



彈
詞
註

序 凡例 一卷總說

二卷

三代

三卷上

秦漢終漢高祖



四庫館大總裁核定

廿二史彈詞注

明史詞注
載十一卷

見履堂藏板

廿一史彈詞舊序

世傳用修成滇南常傅胡粉支駿為兩角鬻行歌市中
余竊疑之謂賢達何放廢如是及得用修廿一史彈詞
喟然歎曰用修行吟自廢豈無意歟夫世之刪史者不
過節約其文與事備勸戒便觀覽而已用修不然先之
以聲歌繼之以序說雜以里語街談彙括參差自然成
韻似正似諧似俗似雅似近似遠其意豈徒以自廣已
哉蓋痛古今之須臾悲興亡之倏忽而橫目之民悠悠
以難悟也故為曼聲以送之使言者足以感聞者易以
思殆懷屈子沉湘之志而復能自脫於莊列達生之旨
不失其正而亦不傷其生者乎夫用修以元輔子擢制

彈詞舊序

策首其一時寵遇豈不盛哉及一朝遣戍終老南裔無
望賜環彼聰明才悟殆有過人者也見夫苑枯華落陵
谷變遷轉眼無定不以此一死生齊物化而徒怨歎感
憤以懟君父而天其生則似愚矣故託往事藏來者短
詠長歌傀儡千古披髮行吟以自全而不以為恥嗟夫
世何常語亦何常談言解紛利在微中世有奸雄懷禍
亂而不悔如焚原烈澤不可向邇一旦庸夫孺子巷陌
之謠片言入耳向日凶燄輒烟銷灰冷不待黃泉而氣
息已盡何哉誠有以動其心也凡人暗於自見未有不
明於見人今觀用修所述纍纍萬餘言上自鴻龐下迄
勝國其間皇帝王伯忠孝賢聖之驅馳亂臣賊子之縱

橫戎狄盜賊之生滅靡不兼總條貫其詞可竹可絲可
語可笑至於重復悲慨淒其斷絕令人一而歎再而悔
如雍門之哦一市人皆泣如越石之嘯羌胡皆涕泗沾
衣投戈北去而不自知其哀痛之何從也是真所謂情
深於騷而用廣於騷者歟時初夏余方晝臥北窗下聽
黃鸝歌金縷忽忽睡去夢身至堯禹所左右臂化爲臯
夔共驩轉屬遷換下至莽操懿溫尿溺轉化與同作賊
旋復剖心出視變爲欄衡諸烈士又變作庭前舞馬殿
下孫供奉興兵仗劔搥鼓掀衣殺賊罵賊城郭山川罔
不遍歷侯王將相東討西征屠戮誅夸生死生不可
勝數旋及爪髮毛毫反復變化覺帝王聖賢所爲甚苦
欲旦暮解脫不可即得又覺莽操懿溫亦無樂境刀鋸
焚炙無有苦惱俯視北邙高墳甲塚白骨枯骸皆身受
享所過不復悲憶輒復歌曰將軍戰馬今何在野草閒
花遍地愁忽然驚寤則兒子鼎持此詩話歌且讀於旁
也推枕而起黃鸝在樹花影當庭拭眼悲悔謂聲塵不
淨耳受乃爲身受夢作即同真作因歎黃梁一夢果不
欺人鼠肝蟲臂俱爲蝶化慨然有赤松安期之想噫人
生若朝露將晞古今三百二十七萬八千餘年亦刹那
間事但聖賢豪傑於夢中得好光景耳若漢唐宋來亂
臣賊子朋黨交傾正如迷人夢入惡境顛倒呻吟不能
自醒昔用修旣放一時諸臣多貴盛者爾時君臣相得

不啻魚水然其賢者既憂讒畏譏不肖旋被褫斥甚而
藁街爲戮名在丹書淒涼千載悲夫賢愚共盡黃上悠
悠以視用修傅粉悲歌漁樵唱和猶贏得一場清夢也
時天啓癸亥九日古吳宋鳳翔羽皇題

廿一史彈詞註序

文體之有正變謂非時遇之順逆使然乎何以明其然哉時際休修珥筆纂述則即以胸中瑰璋發為文章彤管流徽賡揚盛事此遇之順而文之正也不幸而為孤臣孽子憂讒畏譏或招沉湘或悲賦鵬致寄慨於蟲魚因寓情於草木其遇則逆其文則變所固然也然遇有順逆文有正變而皆以不外勸懲扶正人心者乃足歌咏於不衰余居恒披史每思數十家之浩繁讀者粹難竟業思得一指南捷訣俾義軒而下元明以上條分縷析言約旨該觀者瞭如指掌誦者洋洋盈耳於以引掖兒輩祕之家塾卒戛戛乎難之乃偶於書肆斷簡中得

廿一史彈詞註序

用修楊先生廿一史彈詞而竊歎先生之先獲我心也先生以元輔令嗣舉制科大元為天下第一聞人不幸以議大禮放廢著書一百零九種見行海內而彈詞一書胡未之載或曰此先生不得志於時之所為也零裁雲錦碎剪水紋恐類詼諧涉嘲諢故祕而不傳未可知也子曰不然文體雖變而大義不渝即如虞書府事嘗著功於九歌毛詩三百皆不離乎風雅况先生博綜記載彙括微言褒貶一法春秋而不必有知罪之懼論列無殊班馬而不必操著作之權故變幻參差縱橫絕續止借里謠巷詠以抒其弔古談今之懷意不主於詼諧而實藉以提撕告誡語非取於嘲諢而有裨於群怨興

觀其聲可供絲竹而其義可作箴銘其謳吟悲慨可醒
愚婦愚夫而禾黍流連亦可悟賢君賢相歎歎往古接
引將來先生雖不顯居其名而其功豈遂出全史下哉
倘後之讀史者不為昭揭而使珠玉沉埋謂非表章者
之責乎幸秀水諸公什襲家笥用光剗刷庶不負作者
苦心並可為讀史者之津梁矣獨是先生以曠世逸才
擅一代著作手極往古來今興亡治亂之推遷以及正
閏僭竊之升沉數十百家言人人殊而先生按節諧聲
引商刻羽出一唱三歎寓至微於至顯之中藏至奇
於至平之內是非全史博通五車淹貫能窺此乎第恐
初學涉獵未週達此失彼將先生為勸為懲扶正人心

世史彈詞註序

二

之意把卷茫然欲臥者矣爰命璜兒一一詳為註釋務
使事實可稽義蘊昭晰歷寒暑數易稿而書始成雖全
史蘊藉未易表著而屬詞比事先生之苦心庶幾若睹
矣嗣有知者謂先生約衆史之班駁為便覽之新聲俾
讀者事半功倍以為扶誘之功臣可也若謂揉全史之
莊重作艷綺之柔詞為涑水鄱陽毘陵諸公之罪人則
不可也謂斯註釋發明隱義為古學片筏作彈詞演義
可也若謂援古引經出處明晰斷章取義序次井然於
勸懲大義可為前賢後哲之功臣則不敢也而余因是
竊有感矣夫人生境遇順逆亦何常之有向使先生遇
際其順亦不過為卿為相澤被一時已耳烏能感慨淋

滴低低於萬千年之變遷百數十君之得失渾括於三
萬言內而唱歎無餘與龍門涑水同其俯仰可立言不
朽也哉然則先生之遇逆也而未始不順也先生之文
變也而仍不失其正也烏得以類詎諧涉嘲諢莫爲之
後致有美弗彰乎因是梓而行之爲之序以公同好云
康熙甲寅長至月漢陽張三異禹木題於西泠客舍

彈詞註序

彈詞註一書余於甲寅秋侍先大夫於武林受命所註今付諸剞劂有謂篋藏三十七年忽授之梓者何居曰不欲梓者余之心不能不梓者余仰體先大夫之心也先大夫於癸丑冬解組會稽旅寓西湖日手彈詞一編咏歌不輟又以明代缺如因綜有明三百年事續著彈詞顧謂余曰楊先生放廢滇南時其胸中抑鬱一往忠君愛國之心無可寄寄之歌詞一彈再鼓隱寓夫勸懲來世扶正人心之旨予並續明詞俾無缺漏惟是詞意彙括恐讀者按詞忘事其於勸懲之旨終覺展卷茫然汝其綜此兩書詳註而急梓之以公同好可耳予聞命

彈詞註序

跪而請曰大人不以璜之不肖命註彈詞敢不奉嚴命然竊思之古者聖作明述有經必有傳有是書必有是書之箋註但後儒學尚訓詁雖六經皆有註疏每多失經之本旨即如三傳有功於春秋而馬融不能無異同之疑合註有功於左氏而杜預且引爲一人之癖古人著述之難類如此况升菴彈詞採全史爲十段采用宏博大人續補明詞並驅不朽倘蒐羅未廣攷核未詳遽登梨棗貽笑通儒非大人所以命璜之意也敢請緩之先子曰然古人十年而成一賦註書豈厭詳慎汝其勉之余唯唯而退由是篝燈起稿繙閱群書根究事蹟悉其原委歷寒暑而註幾成可以梓矣而未遽梓者不敢

謂已得古人之旨也故曰不欲梓者余之心也嗣是歸里暇日猶數易稿請正先大人大人命匠計工亟圖授梓緣辛酉以前余事制舉菽未得全力搜討及于役梧江匏繫雞肋校讎無人授梓之意終不果而先子遂於辛未見背矣徒跣奔旋雞骨支牀潦倒疾病諸事俱廢遷延又十九載今自顧鬢髮霜盈桑榆影逼倘過此不能付梓成書懼無以見先人於地下而謂予能已於授梓乎昔龍門馬遷繼父談書不忘執手之泣扶風班固就父處業克成漢史之詳思廉表遺言而續梁陳二書延壽終先志而撰南北二史古人著書堂構相承比比然矣余不才去古人何啻天淵而其不忍忘先人之心

彈詞誌序

二

與先人望予之心則一也乃今閱三十七年而始謀授梓方以曠日滋戾而猶敢逡巡乎哉故曰不能不梓者余仰體先大夫之心也獨是前後兩書註成授梓有期其於闡發勸懲之旨未知果能仰酬先志與否而歲月遷移先大夫不獲目擊校正則撫編摩挲是又余之滋感也夫

康熙四十九年庚寅嘉平月漢陽張仲璜別麓題

明史彈詞序

彈詞以三萬餘言彙括廿一史光祿之才豈後人所可及哉乃猶有遺漏俟王子季延補苴之子觀其所遺數事不過萬中之一二補苴易耳至若有明一代全史概未得纂集先生才雖大勢不能留其身於百年後以續前詞豈非憾事乎余與璜兒既爲先生註其已著之詞而弗續其未備之詞不同一憾事乎因不揣固陋追繹先生之心廣蒐明史紀傳合二祖十四宗之蹟撮要敷陳比音叶節雖東施效顰才非先生之才而心則猶是先生之心也先生生明武宗朝上溯洪武歷一百四十四年更十君其間治亂安危自開國以至遜國自仁

明史彈詞序

宣以至土木之變自宏治以至宸濠之叛皆先生所已知者其爲可驚可喜可歌可泣之事皆先生所亟欲播之聲歌而孤臣直筆不欲以微詞掩也自世廟下逮懷宗閱九十五年更六主其間由嚴嵩竊柄以至庚戌之危由江陵秉政以至黨議之興由魏璫稔惡以至流賊之破碎山河闔寺復用以至甲申狗難社稷淪亡於赤眉黃巾一切僉壬亂政傷心慘目之象皆先生所未睹記者使先生而在有不效屈子之行吟似賈生之流涕綜一代興亡之顛末寄之一唱三歎者乎乃先生不能留其身於百年後以輯明詞而其心則昭然若揭也予亦第爲先生抒其不容已之心而已代斲傷手誚奚容

辭書成爰命璜兒并加詳註勿滋遺漏之咎因竊念廿一史皆數千萬年已往事布之銜談巷詠有知者有不知者若明代始嚴於法網繼慘於靖亂厥後元氣喪於權璫禍亂釀於門戶而沉陸中原烟銷於闖獻二賊父老猶有能道其軼事者一聆此詞有不如耳所習聞道所見慣者乎雖

聖朝屢勅詞臣纂修明史固有藏之石室懸為金鑑者若以此草野新聲當江天日晚林下風清雜之漁歌樵唱中使愚夫愚婦聞之知若者為忠臣若者為義士若者為亂臣賊子於以油然而惕然醒焉亦廉頑立懦之一徵也况前事為後事之師後車鑒前車之覆今歷歷指陳較若列眉即據以考鏡得失謂非古今來殷憂啓聖之一助耶請以是質之光祿其心或亦可無遺憾也已漢陽張三異禹木題於武林之儲祉堂

先王父汲古嗜學於書無所不讀尤邃於史簿書之暇手不停披宦遊所至未嘗不以全史自隨生平訓子弟必援據史傳舉古忠臣孝子以爲法嘗謂升菴先生彈詞一書言簡而義該其入人也深其感人也易一唱三歎有遺音者矣顧其書終於元末間采明史續勒成編猶恐讀之者之習其詞而遺其事聆其聲而昧其義也命先君子博採羣書合正續二編細加註釋片言必揭其詳軼事必探其要夫而後人人可讀彈詞不啻人人與讀全史矣書成藏奔家塾者三十年先君子解組歸里檢閱刊行江漢人士珍賞同心購求者如布帛菽

彈詞後跋

粟烏

坦麟

奉使兩淮重授之梓敢云肯構亦使先

人津逮後學一片苦心差共質於海內也自惟鈍拙無似蚤玷科名通籍以來過庭之訓尊聞行知闕焉未逮兩世遺編亦未由繼述而是書則幼而學之凡忠臣之所以事其君孝子之所以事其親與夫廟朝之上閭巷之間一切可歌可泣可興可觀者胥於是乎在先入之言主之久矣頃以菲材

辱

聖天子知遇隆恩不次擢用委任皆繁劇及財賦重地辨明而起夜分而寐束書不暇觀覽而古今成敗利鈍時隱隱心目間即所以進思盡忠退思補過

師先王先與先君子服官莅政之道於萬一以幸
免於罪戾者亦胥於此書是賴刻成之日展卷撫
然手澤如存謹跋數語於卷末以識不忘云時

雍正五年四月朔日孫男

坦麟

敬書於維揚之棊

黃灣舟次

彈詞後跋

二

昔楊先生作廿一史彈詞嘉惠來許早膾炙人口
先曾大父讀明史復取三百年事蹟作彈詞補不
脛而走天下與升菴並傳已歷年所矣行之久而
版訛 先伯父大中丞公始行再刻時在雍正丁
未之夏垂今又六十年刷印繁多字跡朦糊欣逢
聖天子稽古右文備修四庫全書彈詞十一卷亦列採
核之末其裨益後學匪淺鮮也因不憚病軀竭綿
力載越寒暑鳩工而覆刊之非敢曰前人纂史立
言之心藉以不朽亦惟覬勉從事以無隕先緒云
爾剞劂告竣不禁愴然謹跋諸簡末時

乾隆五十一年丙午六月朔日曾孫任佐敬書於

全史彈詞後跋

視履堂

彈詞註凡例

一彈詞一書義宗經傳詞類風騷自開闢以來流傳
世代君臣賢否國運短長統在數十頁內洵讀史
便捷法門也維揚董昭侯舊有刊本桐川陳上儀
秀水王季延朱夢石更加訂正重鐫行世閱者咸
知是書之功不在全史下而服習者恒少良由博
極群書語多不解璜承父命按詞註解考證詳晰
如四書之有集註讀者源委悉明講者尋繹不倦
俾一部廿一史從容漸漬滄貫於胸中所記約而
所通博是詞之有功史學良非尠已

一 是書將遷固以後宋濂王禕以前汗牛之史縮爲

彈詞註凡例

一冊而浩博之才更於正史外無書不供採取今
遵廿一史逐詞細註其正史所無亦必於引用諸
書考核根據確有載籍出處者方敢入註惟每段
之開場詞調詩句及結束咏嘆數行係作者詞外
流連低徊不盡之意無關正史故略而不註

一本詞每行三句句共十字有十字一事者有三句
分三事者有一句兼二三事者作者語有根原字
非泛設註亦事事詳釋不敢忽略一字

一詞分十段一總說二三代三秦漢四三分兩晉五
南北六五胡七隋唐八後五代十一國九宋遼金
夏十元史如某段說某朝先於是段詞前總說是

朝世次共享國若干年今更於世次之下分註各
主在位年數至漢武帝後並附註正閏年號俾初
學順便一覽即知歷代改元建號並知各主年數
多寡目省而功倍間有在位年數註與詞異緣註
導綱目編年亦不附會本詞是在讀者再加攷証
一歷代迭興改易郡邑建置迥殊詞內封爵事實戰
爭之處所載地名止據史書各隨朝代郡縣隨地
列名有漢是而晉非唐因而宋革者若不考前代
廢興何名近日隸轄何省則茫不知其所在今瑣
搜考方輿勝覽廣輿記廣皇輿攷一統志諸書於
圖外附註逐條之後庶讀者隨註考地知某朝某
郡邑都鄙即今某省府州縣衛所下及邊荒僻壤
一水一山亦必考證新舊方名間有輿圖查檢無
據者則於註末直書曰未詳以備考核閱者鑒之
一歷代盛衰事故作者止憑己意論斷原不計事之
前後連貫有一事而時歷兩朝一人而略前詳後
者若止就詞演事未免有尾無首今每註一事必
逆厥初若何要終若何或以先是云云至是云云
俾其端委畢悉庶無掛漏

彈詞註凡例

二

一註依正史務期闡發詞義不至含糊其史句文義
間有深晦難解及名號今古不同事實典故正史
本文未經縷析者又必於圖外再加補註總期無

義不悉展卷了然

一詞內間有前朝事實誤入後代及引用有戾正史者由縱筆疾書採用偶訛今不便將某事改歸某代仍於本詞註明此事原委止云按史如何云云而於註未駁正曰疑誤

一詞內有一語而稱述前後重出者不便一註再註即於本詞下註明註見第幾段某句下有一事而前道其始隔數行而後述其終其此事文義不便割裂兩截則於詞之後句一總註釋止於前詞句下書曰註見下以省重複

一史書所載各異如三皇五帝仲丙外壬之類所傳

彈詞註凡例

三

近誣如以呂易贏以牛易馬之類以及附會傳疑如燭影斧聲之類不一而足璜於本事註後或採昔人論斷或據近日新編間附已見一破野史荒謬或亦考古論世者所樂聞也

一帝王謚法及后妃公主名字足稽者附詳註後字有難識者并為音釋以免訛錯

一引用古人名號有稱名稱字稱號或稱別號及所居縣名與書院名並稱其封爵謚號一人而數易其稱頗為難記今於各朝詞內之賢相名臣忠孝廉節古今聲施不朽者皆於註後標明字某號某某處人某爵某謚以為博古之一助但里居一仍

各朝舊日地名不敢易舊從新恐引用反疑悖古
或人有重見者名不重標若其爵謚雖有人不足
錄者槩略不書

一彈詞止於元末其明史彈詞一書係先子乙卯於
武林續著因時近事繁不比往古槩可簡略故詞
務精詳璜謹註釋成卷綴於十段詞後亦為一段
分作上下兩卷恐多缺略或有謬誤尚希鴻筆駁
正是則彈詞之幸而璜與先子之厚望也

晴川張仲璜別麓謹識

廿一史彈詞註卷之一

成都楊慎用修編著

漢陽張三異禹木增定

孫坦麟畫臣

男伯琮鶴湄訂

坦讓襄左

仲璜別麓註

坦議青臣

叔珽鵠巖叅

天忻景偉全校

會孫任佐立峰較刊

第一段 總說 西江月

天上烏飛兔走人間古往今來沉吟屈指數英才多少
是非成敗 富貴歌樓舞榭淒涼廢塚荒臺萬般回首
化塵埃只有青山不改 詩曰

彈詞註卷一

為愛青山日倚樓白雲紅樹兩悠悠秋鴻社燕催人

老野草閒花徧地愁

野草閒花徧地愁龍爭虎鬪幾時休舉頭吳越齊秦

楚回首梁唐晉漢周桀世盡從忙裏老誰人肯向死

前休賢愚千載知誰是滿眼蓬蒿共一邱

八句罷談詩少賣且將今古事評論詩詞只可譚風

月今古還堪警世人博覽經書尋典故俯按史傳綴

新文零裁錦繡篇篇好碎剪水霜字字精按捺奸邪

尊有道讚揚忠孝獎賢能丁當擊玉敲金字剔透蟠

龍繡虎紋清似釣舟聞夜雨壯如軍壘發秋聲助添

豪傑英雄氣感動忠臣烈士心短舞長歌思妙曲高



山流水待知音當場告稟知音者忙裏偷閒試一聽
竊聞誦詩讀書要知今古撫琴彈劍須待賞音昔者大
極初分鴻濛始判有大聖人盤古出世能明天地之道
達陰陽之變爲三才首君自後三皇五帝世代相傳按
史記盤古之後有天地人三皇春秋元命苞曰開闢以
來至春秋魯哀公十四年獲麟之歲凡一百二十六萬
七千年分爲十紀索隱曰凡三百二十七萬六千年分
爲十紀雖有參差大槩是世遠不能詳考不必細推但
要知所謂十紀者

九頭紀 五龍紀 攝提紀 合雒紀 連通紀
敘命紀 循蜚紀 因提紀 禪通紀 疏仡紀

彈詞註卷一

二

自人皇氏至敘命氏凡八十三君又一書云一百八十
三君十紀之最著有所謂

有巢氏 燧人氏 伏羲氏 女媧氏 柏皇氏
中央氏 大庭氏 栗陸氏 驪連氏 渾沌氏
赫胥氏 尊盧氏 吳英氏 朱襄氏 葛天氏
陰康氏 無懷氏 共工氏 神農氏 有熊氏

此等皆係上古世稱伏羲爲太昊在位一百一十五年神農爲炎

帝在位一百四十年軒轅爲黃帝在位一百一十五年謂之三皇繼之以少

昊在位八十四年顓頊在位七十八年高辛在位七十年唐堯在位七十二年虞舜

在位四十八年謂之五帝

瑣按雙湖胡氏曰三皇之號昉於周禮外史掌三皇五帝之書而不指其名漢孔安國書序始以伏羲神

農黃帝為三皇少昊顓頊高辛堯舜為五帝不知果何所本至宋五峯胡氏直斷以孔子易六傳以伏羲神農黃帝堯舜為五帝不信傳而信經共論始定謂上南軒著資治通鑑前編首列三皇五帝辨疑亦本之易參之胡氏以定五帝之世則三皇即天皇地皇人皇之號五帝之名當以伏羲神農黃帝堯舜為是一胡一桂字廷芳婺源人號雙湖先生孔安國字子固作書傳漢諫議大夫宋追封曲阜伯胡宏字仁仲胡安國季子

稱五峯先生

三皇五帝始有文字相傳堯讓舜舜讓禹那時知有義讓不知有爭莊子曰君如標枝民如野鹿風俗淳美敦樸此後禹傳家湯放桀武王伐紂所以干戈競起詭詐日生自此五霸爭強以至春秋列國互相吞併千有餘年按元會運世圖云邵子以自有天地至於窮盡謂之八百年盤古三皇正一元一元有十二會一會有一萬會星一度該四萬五千餘年正唐堯起甲辰時也夏

彈詞註卷一

三

禹王治世先天六會已過時當午會陽極陰生所以治日常少亂日常多應後天六會也至於七國爭雄強秦獨霸楚漢爭鋒王莽篡朝奸雄逞志陰盛陽衰之氣候雖有聖人復起無可奈何後來光武中興三分割據五胡雲擾六代瓜分南北相吞隋唐混一流傳五代粉碎中原宋太祖纔得削平又有遼金西夏虎狼蛇蝎展轉相吞直至元朝暫時寧帖上下十九史按夏禹八年甲子至今洪武十七年甲子凡三千六百年夏商周三代共占一千九百年中間自魯隱公元年己未入春秋至哀公十四年庚申凡二百四十二年哀公十五年辛酉至周烈王二十三年戊寅入通鑑至五代之末己未共

一千三百六十二年宋太祖另起不在通鑑者又四百年至元末中間賢愚不等善惡不同是幾箇一場創業開基幾箇一場龍爭虎鬪誰弱誰強誰是誰非恰似一段攢十字詩詞雖然言語粗疎僅可略知大槩少資談論以奉知音

盤古生一出世初分天地

相傳首出御世者曰盤古氏生於大荒莫知其始明古氏出由是天地始為天地為三才首君周靜軒曰盤古始為人物而混茫開矣
璜按鍾伯敬補輯捷錄亦主周說謂盤古始分天地人物近日朱青巖綱鑑輯畧云盤古之時庶類漸繁設無統御何成世道盤古首出而明天尊地卑之義以君臨天下故俗傳曰盤古分天地不兼言分人物

彈詞註卷一

雖與周說不同然萬世君道之立自盤古始語不荒唐此較近理

四

至三皇傳五帝漸剖乾坤

盤古既立君臣之道自此而聖作務親至三皇傳五帝而氣運日開文明日啓 三皇五帝名號註見前

天皇氏定干支陰陽始判

天皇取天開於子之義一姓十三人始制干支之名十干曰開逢甲旃蒙乙柔北丙疆圍丁著雍戊屠維巳上章庚重光辛元默壬昭陽癸斗支曰困敦子赤奮若丑攝提格寅單閼卯執徐辰大荒落巳敦牂午協洽未涿灘申作噩酉闍茂戌大淵獻亥其歲紀以攝提為首以定歲之所在而陰陽始判 關音謁默音亦詳音莊涿音吞噩音岳

地皇氏明氣候序列三辰

地皇取地闢於丑之義一姓十一人爰定日月星三辰分晝夜以三十日為一月十一月為冬至鈞旋數轉周而復始

人皇氏相山川君臣定位

人皇取人生於寅之義一姓九人相厥山川分為九區主不虛王臣不虛貴政教君臣所自起飲食男女所自始

有巢氏辨人獸物類區分

太古之民穴居野處與物相友迨後爪牙角毒物始為敵有巢氏構木為巢教民居之以避其害飲禽獸之血而茹其毛取其皮以蔽前後

燧人氏治熟食鑽燧取火

民未知熟食燧人氏作觀星辰而察五行知空有火麗木則明於是始鑽木取火別五木以改火春取榆柳之火夏取棗杏之火夏季取桑柘之火秋取柞櫟之火冬取槐檀之火教民烹飪免腥臊而民利之

女媧氏補蒼天復立崑崙

共工氏與祝融氏戰不勝而怒乃頭觸不周山崩天柱折地維缺女媧氏鍊五色石以補蒼天闕斷鰲足以

彈詞註卷一

五

以立四極淮南子注云天不足西北故補之天廢傾以鰲足柱之十洲記云崑崙在西北故補之天廢傾地之岸十三萬里山高平地三萬六千里出日月之上所謂天柱也圍三千里圓周精水之靈府惟帝下焉辟方百丈郭璞贊曰崑崙月精水之靈府惟帝下都西羌之宇燦然中時號曰天柱此共工名康回非堯時共工也今鄖陽府竹山縣有女媧山相傳煉石補天處郭璞字景純聞喜人得青囊書九卷洞知五行天文卜筮之術晉元帝以為著作郎璜按共工氏身即長安能並崑崙之天柱而不周山在崑崙之西北不周即崩安能並崑崙之天柱而俱折耶荒唐甚矣又按羅氏路史謂外紀載煉石補天非真有是事也是時共工傲亂天謂女皇本紀謂其功共工以祛害都於天成不改舊物則其復天常而真高而充三皇地平天成不改舊物則其復天常而真地維其功大矣後人頌之謂之補天猶所謂旋乾轉坤補天浴日云爾豈乾坤真可旋轉天日真可補浴哉宋羅泌字長源廬陵人有路史行世有名號泯相承循蜚疏乞

循畫疏佐十紀中之二紀名也循畫紀自鉅靈氏至次民氏雖世次可紀而事不經見疏佐紀則自黃帝以迄於周

說赫胥談粟陸槩出傳聞

赫胥粟陸禪通紀中之二氏也赫胥之世人居不知所為行不知所之粟陸傲復自用其臣東里子諫而被殺天下叛貳粟陸遂亡十紀自五龍紀五氏至疏佐紀帝摯皆出荒史故謂傳聞

紀年數云三百二十七萬

自天地開闢至魯哀公十四年凡三百二十六萬七千年分為十紀

掌世界共一百八十餘君

自九頭紀至敘命紀共一百八十三君

伏羲氏木德王始畫八卦

伏羲生於成紀以木德王故風姓時有龍馬負圖出河其文後一六前二七左三八右四九中五十帝仰

彈詞註卷一

六

觀象於天俯觀法於地中觀萬物之情始畫八卦卦有三爻因而重之為卦六十有四以通神明之德而卜筮從此生焉索隱曰木德春令故易稱帝出於震月令孟春其帝太昊是也成紀地名漢置成紀縣今省入秦州屬鞏昌府

通婚姻制琴瑟禮樂繇興

上古男女無別帝始制嫁娶以儷皮為禮正姓氏通媒妁以重人倫民始不賣而禮由是興又斷桐為琴繩絲為絃絃二十有七絙桑為三十六絃之瑟而樂由是興

造書契代結繩命臣蒼頡

天雨粟鬼夜哭鑿破蒙荒

上古未有文字大事則大結其繩小事則小結其繩以記之帝造書契刻木畫字以代結繩之政書制有六一曰象形二曰假借三曰指事四曰會意五曰轉註六曰諧聲使天下義理必歸文字天下文字必歸六書是時天雨粟鬼夜哭

瑣按伏羲造書契則畫卦時已有文字何先儒乃謂有畫而無文也外紀以青皇氏爲蒼帝蒼帝名顛創文字蒼顛時靈龜負書丹甲書文蒼顛爲左史顛見鳥獸蹄字鬼爲夜哭又謂黃帝命蒼顛爲六義升菴以蒼顛爲逆之跡體類象形而制字字爲六義升菴以蒼顛爲伏義臣俱不可考王充嘗辨雨粟鬼哭之妄云蒼顛制文字天地出圖書乃聖明之瑞何非何惡而鬼爲之哭漢書緯書云乃兔夜哭憂其毫將爲筆也

神農氏火紀官教民耒耜

古之王者易代改號取法五行更旺相生太昊首以木德王神農以火德王故曰炎帝神農氏帝以火紀官春官爲大火夏官爲鶉火秋官爲西火冬官爲北火中官爲中火古者民茹草木之實食禽獸之肉未知耕稼帝乃因天時相地宜擇五穀而農事興焉爲耜耨木爲耒始教民藝五穀而農事興焉

作方書嘗百草救濟生靈

帝偏味草木察其寒溫平熱之性辨其君臣佐使之義嘗一日而過七十毒神而化之作方書以療民疾

彈詞註卷一
咨於岐伯作內經命俞附岐伯雷公察明堂究息脉巫彭桐君處方餌由是民無夭札而醫道立焉

軒轅氏制舟車阪泉三戰

帝姓公孫國於有熊生於軒轅之邱因名軒轅始制器用命共鼓化狐剝木爲舟剝木爲楫以濟不通邑夸作大輅以行四方由是車制備服牛乘馬引重致遠而天下利矣神農氏衰諸侯相侵伐炎帝榆罔不能制軒轅習用干戈以征不享諸侯咸來實從榆罔欲侵陵諸侯軒轅修德阪泉地與榆罔戰於阪山之野三戰然後得其志
云軒轅戰阪泉處軒轅邱在開封府新鄭縣有熊邱

新鄭

瑣按史稱軒轅與榆罔阪泉三戰當時蚩尤攻榆罔於空桑軒轅徵師以誅蚩尤若又與榆罔戰則猶是蚩尤矣且炎帝是時避蚩尤之攻遜居涿鹿亦安能侵防諸侯乎史載軒轅誅蚩尤還天下諸侯共尊爲天子以代神農氏因其有土德之瑞故號曰黃帝使三戰而後得志是以兵力取天下尚得爲五帝之世耶

擒蚩尤涿鹿野妖霧開昏

蚩尤炎帝之裔作刀戟大弩攻榆罔於空桑榆罔遜
居涿鹿軒轅乃徵師諸侯與蚩尤戰蚩尤作大霧軍
士皆迷軒轅作指南車以示四方遂擒殺蚩尤於涿
鹿 指南車車上有樓刻仙人於上車雖迴轉手常
指南或曰車上用午盤針以定四方 蚩尤塚在
東平州常有赤氣出名蚩尤旗涿鹿今順天府涿州
空桑地名今開封府陳留縣

命大撓及容成歷編甲子

帝立星官命大撓占斗綱所建以十干配十二支作
為六十甲子相配以名日而定之以納音又命容成
作蓋天著周天歷度作調歷以建寅正月為歲首復
迎日推策作十六神歷積邪分以置閏於是時惠而
辰從矣 蓋天即渾天儀也 邪音餘

制冕裳造算數律建伶倫

帝始作冕垂旒充纁為元衣黃裳以象天地之正色
旁觀暈翟草木之華染畫五采為文章以表貴賤命

彈詞註卷一

隸首作算數定數以率其羨要其會而律度量由
是成也又命伶倫取竹於解谿之谷長九寸圍九分
而吹之為黃鐘之宮又制十二管以象鳳凰之鳴而
別十二律其雄鳴為六雌鳴亦六以比黃鐘之宮生
六律六呂候氣之應以主官商角徵羽之聲 算數
九章算法也律律呂也陽六為律陰六為呂黃鐘太
簇姑洗蕤賓夸則無射陽聲也大呂夾鐘仲呂林
鐘南呂應鐘陰聲也解谿在崑崙山北 暈音揮

金天氏誕星虹諸祥畢至

金天氏姓巳名摯黃帝之子元囂也帝以金德王位
在西方象曉日之明故號少昊金天氏母曰嫫祖感
大星如虹下臨華渚而生帝即位後五鳳適至
元鳥遺書長庚輝日后土錫符諸祥之物畢至

九黎亂巫史起恐動人神

少昊氏衰黎氏九侯亂德民神禱搽不可方
物家為巫史無有要質民贖於祀禍災苻臻
璜按少昊乃一代之通稱後世始
衰非少昊金天帝之世即衰也

顛頊氏命五官無為而治

顛頊姬姓以水德紹金天氏政初國高陽名顛頊故號顛頊高陽氏帝以少昊之子重為木正曰句芒該為金正曰蓐收修及熙相代為水正曰元冥以炎帝之子為土正曰句龍帝之孫黎為火正曰祝融是時九黎之亂既革神人不雜物序民安帝無為而治焉張晏曰高陽高辛皆因受封所興之地為氏顛頊帝嘗皆以名為號上古質樸故也高陽縣名今屬保定府古跡乃高陽氏封此也顛頊所築今開封府杞縣亦有高陽城乃高陽氏封此也顛音蓄張晏字子傳中山人著有西漢音釋四十卷

高辛氏有四后俱產奇兒

帝嚳高辛氏姬姓名爰受封於辛故號高辛氏帝有四后元后有郃氏女曰姜嫄生棄其後為周次妃有娥氏女曰簡狄生契其後為商三妃陳鋒氏女曰慶都生堯是為陶唐氏四妃姬訾氏女曰常儀生摯帝崩子摯嗣立爰音親姬音疽

唐堯氏智如神存心天下

帝姬姓帝嚳之子帝摯之弟年十三受封於陶年十五復封於唐為唐侯故號陶唐氏摯尸位九年而廢

彈詞註卷一

九

諸侯尊弟放勳踐位平陽以火德王家語曰陶唐帝其仁如天其智如神就之如日望之如雲說苑曰帝存心於天下加志於窮民陶唐

今太原府清源縣東南有陶唐城
璜按太史公以放勳重華文命為堯舜禹之名孔安國書傳則以堯舜禹為名蔡氏書傳謂放勳重華文命皆稱述功德之詞至馬融諸儒乃以堯舜禹為謚謬矣應以安國之說為是蔡沉字仲默元定于作書傳從

祀孔廟

命羲和欽歷象觀覽星辰

帝不忘重黎之舊使其後復典之是謂羲和氏命以欽若昊天歷象日月星辰分爲四序敬授人時羲和居囑夸理東作以殷仲春羲叔居南交理南訛以正夏至和仲居昧谷理西成以殷仲秋和叔居朔方理朝易以正冬至既巳四時推候皆合矣積一期而天有餘度歲有餘日於是又置閏法以閏月定四時成歲囑夸南交昧谷朔方四方至極之地蓋官在國都而測候之所在四方也

殺狻猊斬修蛇庭生蓂莢

地蓋官在國都而測候之所在四方也

帝時十日並出焦禾殺稼又有青邱之澤林時有草生於
皆為民害帝使羿繳大風於青邱之澤林時有草生於
射獫狫斷修蛇於洞庭擒封豨於桑林時有草生於
庭曰黃英十五日前日生一葉十五日後日落一葉
月小盡則一葉厭而不落觀之可以知旬朔又名歷
草獫狫獸也封豨豕豕修蛇長蛇也大風風伯也
青邱澤名在青州府樂安縣境內與迅走獫狫音
齊景公畋於青邱即此英音劫與迅走獫狫音
瑣按趙雪航曰堯時豈有十日焦禾之妖況日在天
離也萬里雖干鈞之力豈能射及萬里之日乎且日
火也離中安能滅之蓋淮南王與賓客方士作內外
書此言出於外書鴻烈解作史者收於外紀荒唐之
言豈可為實

訪異位揚側陋釐降娥英

帝以年老丹朱嚚訟不可授以天下乃授許由由不
受乃訪異位之人於四岳曰明明揚側陋岳曰有鰥
在下曰虞舜帝曰我其試哉乃釐降二女娥皇女英
於瀉汭嬪於虞瀉汭水在今蒲州源出歷山下流
入於河許由字武仲登封人瀉音規瀉音苒水南
流者為瀉北流者為汭東西相距二百里合流入黃
河

彈詞註卷一

十

虞舜氏起歷山躬行孝弟

舜生於姚墟居於瀉汭虞其有國之號故號有虞氏
母握登氏死繼母生弟象父瞽瞍母嚚弟傲嘗欲
殺舜舜克盡孝弟之道年二十以孝聞耕於歷山人
皆讓畔漁於雷澤人皆讓居陶於河濱器不苦窳一
年所居成聚二年成邑三年成都三十乃登庸姚
墟在東昌府濮州歷山西平陽府蒲州有歷山又
山東東昌府濮州亦有歷山為舜耕處舊有廟碑碣
尚存以濮州歷山為是雷澤蒲州首陽山下有雷澤
又山東兗州府曹州亦有雷澤史記謂舜漁於此亦
當以曹州為是又曹州定陶西南有陶邱亭相傳為
舜陶處

罪四凶登元愷觀獄歸仁

帝鴻氏子曰渾沌是為驩兜少昊氏子曰窮奇是為
共工顓頊氏子曰檮杌是為鯀縉雲氏子曰饕餮是
謂三苗謂之四凶舜放驩兜於崇山流共工於幽州
殛鯀於羽山竄三苗於三危四罪而天下咸服高陽

氏有才于八人蒼舒贖致禱戴大臨龐降庭堅仲容
叔達天下謂之八愷高辛氏天子謂之八伯奮仲堪
叔獻季仲伯虎仲熊叔高約季狸天子謂之八元使數五
六族世濟其美舜舉八愷使主后土舉八元使數五
教天下咸服其明及堯崩舜避堯子於南河之南天
下朝覲訟獄者不之丹朱而之舜舜歸乃格於文祖
即帝位 崇山南裔今岳州府慈利縣幽州北裔今
奉天府遼陽地羽山東裔今淮安府贛榆縣三危西
裔今陝西肅州衛有三危山
饗養音滔鐵鼓艾平聲戲音引

彈五絃歌南風阜財解暈

舜恭已無為彈五絃之琴歌南風之詩而天下治其
詩曰南風之薰兮可以解吾民之愠兮南風之時兮
可以阜吾民之財兮 絃絲屬長三尺三寸六分先制五絃後加文武二絃為七絃

躬巡狩崩蒼梧禹避陽城

舜薦禹於天命禹攝政總師舜南巡狩崩於蒼梧之
野禹避舜之子商均於陽城天下歸禹乃即位 蒼
梧山名一在九嶷在永州府寧遠縣
陽城今河南府登封縣 巖音吞

彈詞註卷一

土

瓊按家語史記皆言舜南巡崩於蒼梧之野葬焉南
軒據孟子曰卒於鳴條謂無南巡之說舜既命禹攝
天子矣胡為又自遠巡南裔禹既宗舜矣胡為聽
其遠葬而不歸觀於北都也應以崩鳴條為是

崇伯子蓋前愆九疇錫洛

帝堯時洪水為患堯咨四岳有能俾又四岳舉高陽
氏子伯鯀堯命為司空封鯀為崇伯使治水九載績
用弗成舜殛鯀於羽山舉禹使續父業胡氏曰禹傷
父以治水殛死故直於此舉禹使續父業胡氏曰禹傷
前愆前編曰禹非惟克勤於邦以為忠而補前人之
愆以濟天下乃所以為大孝也時神龜出洛負文列
於背有數自一至九禹因而第之以成九類闢子明
曰洛書之文九前一後三左七右四前左二前右八
後左六後右 洛水一名洛汭在河

南府城南經偃師宜陽永寧鞏縣界
瓊按圖書俱出伏羲之世至禹時又因神龜負文
而行其義為九章大法非至禹時而洛書始出也

奠山川作貢賦天地平成

禹平水土奠高山大川水患既息任土作
貢成賦中以於是地平天成錫圭告成

懸鐘鼓置鐸鞀下車泣罪

禹以五音聽治懸鼓鐘磬鐸鞀以待四方之士曰導以道者擊鼓諭以義者擊鐘告以事者振鐸啓以憂者擊磬有訟獄者搖鞀出見罪人下車問而泣之左右曰罪人不順道何為痛之禹曰堯舜之人皆以堯舜之心為心寡人為君百姓各自以其心為心是為心痛之

鑄九鼎象方物天兩黃金

左傳王孫滿曰昔夏之方有德也遠方圖物貢金九牧鑄鼎象物而為之備使民知神姦胡氏曰左氏為鼎者圖象百物而為之備誣矣禹所鑄者別九州之分野差田土之高下定貢賦之式度立井田封建之經界鑄於鼎以為萬世準耳贊寧要言曰禹鼎不止圖山川猛鷲之物每州民戶暨地里寬狹皆可也故得九鼎是時天兩黃金三日

歷代寶之歟是時天兩黃金三日
蹟按後世銘功鐘鼎之象義本乎此

龍負舟一死生蠓蚘齊視

彈詞註卷一

禹濟江黃龍負舟舟中人懼禹仰天歎曰吾受命於天竭力以勞萬民生寄也死歸也子何憂於龍視龍猶蠓蚘顏色不變須臾龍俛首低尾而去在壁曰蠓蚘草上曰蜥蜴江水出今茂州岷山合漢入海

集會稽戮防風萬國咸寧

禹即位後會諸侯於塗山承唐虞之盛執玉帛者萬國後八歲會諸侯計功於越命曰會稽防風氏後至禹戮之禹崩於會稽因葬焉會稽縣屬今紹興府防風氏國今湖州府武康縣塗山今鳳陽府

堯讓舜舜讓禹相傳有道

堯舜禹以天下相讓禪蓋聖人大公無我惟有道者傳之耳

為生靈輸苦役非戀尊榮

堯舜禹以愛天下為心無所繫念於其間所謂五帝公天下也

從此後禹傳家子承父業

啓賢能敬承繼禹之道故禹以天下傳之子

夏商周相倣倣直到如今

所謂三王家天下也
三代至今皆傳子矣

夏后氏四百年一十七帝

夏自禹至桀凡一十七主
共天下四百五十八年

殷湯氏三十帝六百餘年

湯建國號曰商後盤庚改為殷自湯至
紂凡三十主共天下六百四十四年

成周氏八百年三十七世

周自武至赧王凡三十七
主共天下八百六十七年

九州中諸列國併入強秦

周室既衰七雄各霸秦始皇
滅二周而吞六國遂有天下

秦無道十五年止傳二世

彈詞註卷一

秦始皇十二
年二世三年

六國人併楚漢起義爭衡

燕韓趙魏齊楚為六國又楚
項羽漢劉邦俱起兵攻秦

漢高祖定江山一十三帝

高祖平秦滅楚而定天下傳至
孺子嬰凡十三主是為西漢

二百年遭王莽篡國醜君

西漢共天下二百一十年王莽醜
平帝弑孺子嬰篡位一十八年

漢光武復中興一十二帝

光武誅莽中興傳至獻
帝凡十二主是為東漢

二百年劉備起漢室三分

東漢共天下一百九十五年獻帝崩昭
烈即位西蜀天下三分西蜀今四川

三國志亂紛紛五十餘載

蜀魏吳為三國蜀漢正統四十三年漢亡又十六年吳亡武帝時陳壽撰三國志魏志三十卷蜀志十五卷吳志二十卷陳壽字承祚巴西安漢人

漢歸曹吳入晉取次銷沉

漢降於曹曹禪於晉晉又滅吳而天下始盡歸於晉

司馬晉五十年五胡大亂

晉自司馬炎有天下傳至愍帝凡四主共五十二年為西晉其時五胡擾亂懷愍先後蒙塵五胡者鮮卑匈奴氐羌羯五等胡人也氏音邸又音低羌音腔羯音結

走江東承舊統百歲雲奔

西晉亡司馬睿渡江即位傳至恭帝凡十一主共一百零四年是為東晉

南北朝兩相持不能混一

彈詞註卷一

古

宋齊梁後梁陳為南朝元魏西魏東魏北齊後周為北朝

氣相吞力厮併一百餘春

南北兩朝共一百六十九年

宋齊梁陳陳國俱都江左

宋劉裕篡晉傳八主六十年齊蕭道成篡宋傳七主二十四年梁蕭衍篡齊傳四主五十六年陳陳霸先篡梁傳五主三十三年俱都金陵又後梁蕭晉稱帝江陵傳三主三十年隋滅之金陵今江南江寧府上元縣江陵縣

荆州府江陵縣

索頭魏分齊周北地稱尊

元魏拓拔珪匈奴索頭沙漠汗之後傳十六主一百六十年孝武時高歡奉靜帝居鄴都為東魏宇文泰奉文帝都長安為西魏後歡子洋奪東魏為北齊泰子覺奪西魏為後周北齊傳五主二十六年後周傳五主二十八年索頭鮮卑別部也姓拓拔氏其俗以索辨髮因號索頭鄴今河南彰德府臨漳縣長安

今陝西西安府長安縣

周併齊隋篡周平陳一統

周武帝滅齊隋楊堅篡周又南平陳後主而天下一統盡歸於隋矣

四十年彈指過海內風塵

隋自楊堅傳至恭帝凡三主三十八年

唐高祖立根基二十一帝

唐李淵受隋禪而有天下傳至哀帝凡二十一主

三百年捱不到付與朱溫

唐共二百八十九年為朱溫所滅

朱溫起號梁朝歸於李氏

後梁朱溫共十六年為唐李存勗所滅

彈詞註卷一

五

李唐亡石晉繼劉漢相承

唐李存勗前後四主共十四年為晉石敬瑭所篡晉兩主共十一年為北番所擄晉臣劉智遠乘晉滅稱帝為漢父子共四年

郭氏周緊相連通稱五代

後周郭威滅漢無嗣傳妻兄子柴榮凡三主二姓共十年合梁唐晉漢周謂之五代

五十年十三帝流水浮雲

五代起梁朱溫終周恭帝凡十三主共五十三年

宋太祖占中原無多日月

宋太祖趙匡胤受周禪而有天下在位十七年

西北邊遼金夏不住相爭

大遼太祖耶律阿保機傳至宣宗凡十主二百一十年大金阿骨打滅遼稱帝傳末帝凡九主一百一十

九年西夏李曩霄傳至南平主凡十主一百九十年
中間又有西遼耶律大石因大遼滅而稱帝傳至天
禧帝凡五主
七十一年

三百載十八君汴杭閩廣

宋自太祖至帝昺凡十八主共三百一十七年都汴
為北宋自高宗南渡都杭州為南宋後帝昺航海至
閩廣而亡 汴今河南開封府杭今浙江杭
州府閩今福建福州府廣今廣東廣州府

到頭來元世祖一鼓而吞

宋亡天下
歸於元矣

胡元氏併宋金中華一統

元蒙古人姓奇渥溫世祖忽必
烈併宋平金混一南北而有天下

急慌慌忙過了九十三春

元自世祖至順帝
凡十主九十三年

彈詞註卷一

六

廿一史笑談間從頭數遍

司馬遷史記班固漢書范曄後漢書陳壽三國志唐
太宗晉書沈約南宋魏收北魏令狐德棻周書魏徵隋書李
延壽南史北史劉昫宋祁唐書歐陽修五代史元脫
脫宋遼金三史宋濂王禕元史謂之廿一史 司馬
遷班固註見後史記漢書句下陳壽註見前三國志
書為一家之作又謂之東漢書唐太宗貞觀中詔太
子司議郎敬播與令狐德棻等撰晉書考證類例咸
出敬播齊沈約修南宋書裴子野刪為宋略三十卷
言宋史者以裴略為上沈書次之初江淹受詔為齊
志沈約復著齊紀蕭子顯自表於梁武帝修齊書梁
史官姚察初錄梁陳事未就而陳亡隋文帝問之察
因以所議著篇成輒上奏又不克就且死屬子思廉
繼其業唐貞觀中思廉表父遺言有詔聽續因採謝
旻顧野王等諸書總括為梁陳二書李德林在齊預
修國史創紀傳書二十卷至開皇中續撰增多至三
十八篇唐貞觀初敕其子百藥仍其舊錄撰採他書
演為北齊書五十卷初齊天保中詔魏收修魏書收
納金增減善惡且黨北朝貶江左於時眾口喧然號

爲穢史隋開皇中詔魏澹別成魏史斷自道武下迄恭帝爲紀及列傳合九十二篇令狐德棻爲唐秘書丞武德中建言唐承南北五代無正史請加撰次乃詔德棻陳叔達等共成周史唐貞觀中詔顏師古孔穎達修述隋史魏徵總其事序論皆徵作李延壽父太師嘗以宋齊梁陳同隋欲擬吳越春秋編年未就而卒延壽追終先志更依馬遷體總序八代北起魏盡隋二百四十二年南起宋盡陳一百七十年爲南北二史劉煦石晉宰相也因唐常述舊史增損爲帝紀二十列傳一百五十九卷謂之舊唐書其書煩略不均是非失實至宋仁宗時詔歐陽修宋祁刪修唐史紀表志修主之列傳祁主之凡廢傳六十一增傳三百三十一志三表四謂之新唐書開寶中詔扈蒙與盧多遜等修梁漢周史史成而褒貶失真仁宗命歐陽修重加修定爲五代史元統六年脫脫爲中書右丞相詔修宋遼金三史元翰林歐陽元爲總裁發凡舉例凡論贊奏皆元屬筆明洪武中詔宋濂王禕修元史范梈字蔚宗順陽人沈約字休文武康人謚隱仕齊爲步兵校尉梁武帝受禪拜尚書僕射加侍中遷丹陽尹所著有晉書百卷南宋書齊紀梁武帝紀若干卷蕭子顯字景陽李百藥字重規定州人官宋正卿魏收字伯起曲陽人北朝官僕

彈詞註卷一

射劉煦字日輝涿州歸義人宋祁字子京號小宋謚景文歐陽元字原功

七

是和非長共短細有評論

要知就裏分明處

細簡殘篇著意聽

滾滾龍爭虎鬪匆匆兔走烏飛席前花影坐間移百歲
光陰有幾 說古談今話本圖王霸業兵機要知成敗
是和非都在漁樵話裏 西江月

明朝有意來相訪

綠水青山別是春

廿一史彈詞註卷之二

成都楊慎用修編著
漢陽張三異禹木增定

男仲璜別董註 曾孫任佐較刊
第二段 說三代 南鄉子

攜酒上吟亭滿目江山列畫屏賺得英雄頭似雪功名
虎嘯龍吟幾戰爭 一枕夢魂驚落葉西風別換聲誰
弱誰強都罷手傷情打入漁樵話裡聽 詩曰

混沌初分氣候淳標枝野鹿看君臣三皇五帝實天
去辛苦閻浮世上人

世上生靈作業多功名富貴反成魔常懷杞國憂天

彈詞註卷二

悶不見康衢擊壤歌仗劍提刀爭日月伏屍流血換
山河白頭釣叟秋江上笑指清鷗下碧波

詩出大才閒遣興話談今古便驚人沙金璞玉求良

匠流水高山待賞音玉在石中誰辨寶金藏沙裏未
為真淘金必索披沙揀取玉須教破璞尋琴對子期

彈雅操馬逢伯樂長千金龍光未識思雷煥奇字難
知問子雲美酒要逢知己飲好詩須向會家吟講談

盡合周公禮褒貶咸遵孔聖文斷簡殘篇藏故典水
絃玉軫播新聞高人滿座垂清聽始信書生用意淺

適間提說歷代總要未曾開列君臣大體賢愚國運短
長流傳世次今將三皇五帝之後從夏禹傳家以至商

周二代直至戰國七雄略陳大槩

夏后氏者禹王受虞舜禪位為天子建有天下之號曰

夏在位二傳一十七帝其名曰

啓在位九歲 太康在位二 仲康在位八歲

帝相在位十七歲 少康在位十二歲 帝杼在位七歲

帝槐在位十六歲 帝芒在位十 帝泄在位六歲

帝不降在位十九歲 帝扃在位十一歲 帝廩在位十一歲

帝孔甲在位十一歲 帝皐在位十 帝發在位十

帝桀在位十二歲 放於南巢天下歸商共享國四百五十

八年

商湯氏者代夏伐桀撫有天下在位十傳三十君其名

彈詞註卷一

二

曰

外丙在位二 仲壬在位二 太甲在位十三

按孟子曰湯崩外丙二年仲壬四年史記曰湯在位十有三祀而崩太子太丁早卒次子外丙立二年仲壬立四年崩太丁之子太甲立程子曰古人謂歲為年湯崩時外丙方二歲仲壬方四歲太甲差長故立

之今考皇極經世史無外丙仲壬戊申世且通鑑編年甲元祀湯以丁未崩孫以太甲踐位戊申商王太宗太甚明外丙仲壬之未嗣位不待辨矣

沃丁在位十九 太庚在位十七 小甲在位十七

雍己在位十二 太戊在位七 仲丁在位十三

外壬在位十五 河亶甲在位九 祖乙在位十一

祖辛在位十六 沃甲在位十五 祖丁在位十二

南庚在位十五 陽甲在位七 盤庚在位十八

小辛 在位二祀

小乙 在位二祀

武丁 在位二十九祀

祖庚 在位七祀

祖甲 在位三十祀

廩辛 在位六祀

庚丁 在位二祀

武乙 在位四祀

太丁 在位三祀

帝乙 在位三祀

帝辛 在位三十祀

帝辛者紂也周師入夜

寶自焚天下歸周共享國六百四十四年

周武王者父曰文王紂時封為西伯至武王伐紂而有

天下 在位七年 傳三十七君其名曰

成王 在位三十七年

康王 在位二十六年

昭王 在位五十二年

穆王 在位五十二年

共王 在位一十六年

懿王 在位二十五年

孝王 在位一十五年

孝王 在位一十六年

厲王 在位五十五年

宣王 在位一十六年

幽王 在位一十一年

平王 在位五十五年

彈詞註卷三

桓王 在位一十三年

莊王 在位一十五年

釐王 在位一十五年

惠王 在位一十五年

襄王 在位一十三年

頃王 在位一十六年

匡王 在位一十六年

定王 在位一十一年

簡王 在位一十四年

靈王 在位一十七年

景王 在位一十五年

悼王 無紀年

敬王 在位一十四年

元王 在位一十六年

真定王 在位一十八年

哀王 在位一十四年

思王 在位一十五年

考王 在位一十五年

威烈王 在位一十四年

安王 在位一十六年

烈王 在位一十七年

顯王 在位一十八年

慎靚王 在位一十七年

赧王 在位一十九年

共享國八百六十七年天下歸秦通計三代共一千九

百七十年

夏禹商湯周武為三代開基聖王啓賢繼禹少康

合商有三宗大甲為太宗太戊為中宗武丁為高宗謂之賢聖之君周自成康繼武宣王中興其餘者或長或短各有事迹今按史記寫入詞文

話說起三代君尊稱夏禹

三代夏商周也堯封禹於有夏故建有天下之號曰夏禹為夏開基聖祖夏今山西平陽府夏縣

姓妣氏乃軒轅黃帝元孫

堯賜禹姓妣氏禹黃帝軒轅氏元孫軒轅生昌意昌意生顓頊顓頊生鯀鯀生禹於嬖道之石紐鄉妣慈苴而生因姓嬖音箇

其父鯀帝堯時廷推治水

堯時洪水為災四岳舉崇伯鯀可治水堯曰鯀方命圯族不可用岳曰試可乃已帝用之戒曰欽哉

為無功身得罪殛死黃熊

彈詞柱卷一
鯀障洪水九載無功堯命舜殛於羽山人物考云殛鯀投水化為黃熊因為羽淵之神

續父業任司空躬乘四載

蘇治水無功殛死舜舉禹使續父業任為司空禹傷父功不成勞身焦思居外十三年水乘舟陸乘車泥乘橈山乘橈隨山刊木奠高山大川籠音敲形如船而短小橈音菊以鐵為之形如錐長半寸施之履下以

娶塗山呱呱泣不顧私情

禹娶塗山氏女曰嬌生子啓辛壬癸甲啓呱呱而泣禹弗子八年於外三過其門而不入嬌音驕呱音孤

淪濟源排淮泗注江海

禹疏九河淪濟源排淮泗而注之海決汝泗而注之淮決漢而注之江濟水發源王屋山頂崖下各曰淪水自沁而下伏於地中及其東出二源合流始名為濟自是又伏流河中截河南出溢而為滎自滎而下又伏而東流東北會青州之汝水又北東而入海兖州東南據濟西北截河漂水乃河之支流也

出胎簪山流於桐柏山東會於泗沂入於海泗水出
泗水縣陪尾山經曲阜嶧陽濟寧界入於淮東流入
海漢水出嶓冢東流方名爲漢又東流則隨地得名
至於漢陽府大別山入江爲漢源岷山東流至大
別與漢水會彭蠡溢入大江循南岸而行與江漢頡
頰趨海江居中曰中江漢自北岸入曰北江同入於
海

任九州作貢賦禪代爲君

初舜分天下爲十二州禹復爲冀兗青徐雍豫梁荆
揚之九州任土作貢庶土交正成賦中邦詳載禹貢
一書舜禪位於禹舜崩禹避舜之子商均於陽城天下歸禹乃即位

絕旨酒拜昌言下車泣罪

儀狄作酒禹飲而甘之曰後世必有以酒亡國者遂
疏儀狄絕旨酒人有昌言則拜之 下車泣罪註見
罪句下一段泣

敘九疇鑄九鼎鎮國安民

彈詞註卷二

五

舜命禹敘洪範九疇敘疇語詳洪範篇九疇註
見一段錫洛句下九鼎註見一段九鼎句下

天與子啓承家兵征有扈

禹崩於會稽初禹薦益於天禹子啓賢能敬承繼禹
之道天下不歸益而歸啓曰吾君之子也啓乃即位
即釣臺以享諸侯有扈氏不服啓作廿誓召六卿征
之大戰於甘不勝六卿請復之啓曰不可吾地非淺
民非寡也今茲不勝是吾德薄而教不善也於是班
師琴瑟不張鐘鼓弗考不因席不仍味親親長長尊
賢委能隱神菴月而有扈服遂滅之孟子曰天與子
則與子 釣臺在今河南開封府禹州嵎水之東扈
國今西安 府鄆縣

太康氏畋洛水五子歌聞

啓崩子太康立弟五人分封於衛以有窮后羿爲相
太康逸豫滅德盤遊無度畋於洛水之表羿拒之於
河不得入歌五子御其母以復於洛之汭述禹之戒
作五子之歌一章言太康之失民二章言太康之戒
畋三章哀京師之不保四章痛故府舊章之淪喪
廟社稷之不祀五章哀恫以終之 有窮侯國各

內在河南府鞏縣洛水入河處

仲康氏討羲和陰鋤羿翼

大康尸位失國崩於陽夏太康弟仲康嗣位仲康以羲和黨惡於羿命口侯掌六師以討之翦羿羽翼故終仲康之世羿不敢逞也語詳書口征陽夏今開封府太康縣

帝相氏被寒浞弑逆亡身

仲康傳子相徙都商邱依同姓諸侯斟灌斟鄩氏羿自遷於窮石用寒浞淫娛羿於田逢蒙殺斟灌而烹之浞因羿室生澆及豷後浞逢澆滅斟灌斟鄩之氏斟相商邱縣名屬歸德府斟灌故城在青州府壽光縣斟鄩故址在萊州府濰縣寒國名浞封此有寒亭古蹟鄩音尋浞音足澆音臬論語作羿豷音係

少康氏滅澆豷變輿反正

初相被弑后緡方娠逃出自竇歸於南仍生少康少康年四十一舊臣靡自有鬲氏收灌鄩之燼討浞誅之立少康尋使臣女艾滅澆於過使太子季杼滅豷於戈乃歸故都夏道復興有仍國名杼后名有仍

彈詞詩卷一

六

國君之女也靡夏舊臣名鬲過戈皆國名鬲音格杼音芋

一成田一旅衆靡致中興

初少康居仍為仍牧正澆使其臣椒求之逃奔有虞為虞庖正虞君思妻以二姚而邑諸綸有田一成有衆一旅能布其德而兆其謀以收夏衆撫其官職謀中興焉卒賴舊臣靡討浞伏誅奉王踐位復禹舊績夏道復興諸侯畢朝胡氏曰少康靡鬲經營四十年然後克殄元凶祀夏配天不失舊物此真可謂中興者矣故唐虞世南論歷代中興之主以少康為冠方十里為成五百人為旅虞商均所封之國思虞君名姚虞姓二女妻少康也綸邑今平陽府榮河縣

再傳至七朝君三回甲子

少康傳七代一百四十八年俱能帥禹以興夏道

杼槐芒泄不降以至局靡

杼少康子槐杼之子芒槐之子泄泄之子局局之子不降泄之子局不降之子局之弟靡局之子

帝孔甲醯雌龍崇神好鬼

孔甲不降之子厘崩孔甲嗣位時天降二龍劉累學擾龍於豢龍氏能飲食之賜氏曰御龍龍一雌死潛醯以食王王使求之懼而遷於魯大紀曰王好鬼神肆行淫亂作破斧之歌是為東音諸侯化之夏政始衰魯今汝州

又相傳復二紀臯發因循

孔甲傳子臯在位十一年臯傳子發在位十三年

至履癸號桀王荒淫無道

履癸發之子也是為桀力能申鐵鉤索負恃有力不務德而武傷百姓有趙梁者教桀無道勸以貪狼行淫縱樂謚法賊人多殺曰桀

造瓊宮寵妹喜塗炭生靈

時諸侯或不朝桀伐蒙山有施氏有施氏進女妹喜彈詞註卷二王嬖之為之為瓊宮象廊理臺玉牀羅民力殫民財

為肉山脯林酒池糟隄縱靡靡之樂一鼓而牛飲者三千人以為戲劇諸侯韋氏顧氏昆吾氏黨桀為惡

盜行亂政以虐其民蒙山今青州府蒙陰縣

十七帝統江山子承父業

自禹至桀共一十七帝

四百年紅日落禹跡無聞

夏有天下四百五十八年桀無道關龍逢諫曰君用財若無窮殺人若不勝民唯恐君之後亡矣桀曰吾有天下猶天有日亡吾乃亡矣因逢而殺之書曰方行天下至於海表以陟禹之跡龍逢安邑人

商湯氏順民心鳴條伐夏

湯名履又名天乙主癸之子契之後也時桀無道民心歸湯湯以伊尹為相尹說湯伐夏救民費昌為御與桀戰於鳴條應天順人伐夏而有天下建國號曰商鳴條在平陽府安邑縣張晏曰禹湯皆字也

祖名契姓子氏掌教明倫

湯始祖名契堯封於商賜姓子氏舜命為司徒敬敷五教商今西安府商州

十四世乃生湯南巢放桀

契生昭明昭明傳相土昌若曹圍冥振微報丁報乙報丙主壬主癸生湯共十四世湯伐桀桀曰吾悔不殺湯於夏臺及戰敗走入於三股之國湯師從之桀奔南巢因放焉後三年死於亭山其子淳維妻其眾奴傳曰其先伯禹苗裔蓋本此也三股國名今山東定陶有三股亭南

巢今巢縣 股音宗

禱桑林祈雨澤祝網施仁

時大旱七年太史古曰當以人禱湯曰吾請雨者為民也若必以人吾請自當遂齋戒剪髮斷爪素車白馬身嬰白茅以為犧牲禱於桑林之野以六事自責曰政不節與民失職與宮室崇與女謁盛與苞直行與讒夫昌與言未已大雨方數千里初湯見入張網四面祝之曰從天墜者從地出者從四方來者皆罹吾網湯解其三面更祝曰欲左者左欲右者右欲高者高欲下者下不用命者入吾網漢南諸侯聞之曰

彈詞註卷一

湯德至矣仁及禽獸歸之者四十餘國南軒曰史記有剪髮斷爪身為犧牲之說夫以湯為民顛矢之誠自能格天致雨何至信其人禱之說而毀其爪髮乎或出野史謬談不可信也桑林在鳳陽府亳州一云在澤州陽城縣世傳湯禱雨於此至今多禱

發莊山金鑄幣賑民困乏

伊尹言於湯發莊山之金鑄幣賑民救民之無食賣子者民始不困幣錢也

懷萬邦新其德自勒盤銘

湯伐桀有懃德左相仲虺作誥以釋之曰德日新萬邦惟懷湯之盤銘曰苟日新日日新又日新

舉伊尹任阿衡扶持太甲

湯在位十三年崩太子太丁早卒立太丁之子太甲於冢宰伊尹力牧之後居伊水故曰伊伊尹名摯陳留人

效桐宮三載後允德修身

太甲既立敗度敗禮顛覆湯之典伊尹作太甲三篇放之桐宮曰密邇先王其訓無俾世迷王居桐宮三年自怨自艾處仁遷義尹以冕服奉之歸亳王允德修身諸侯咸歸縣亳今河南偃桐官即桐鄉城今在平陽府曲沃師縣湯所都也

伊復政將告歸敬陳一德

尹復政於王將告歸恐王德不一任用非人作咸有一德

主善師綏先祿永底民生

尹訓王曰德無常師主善為師又曰克綏先王之祿永底蒸民之生

傳五世有賢君中興太戊

太甲傳子沃丁沃丁傳弟太庚太庚傳子小甲小甲傳弟雍已是時商道衰微諸侯不朝雍已傳弟太戊凡五世太戊以伊尹子陟與臣扈為相巫咸佐之修成湯之政商道中興巫咸夏邑人

德勝妖祥彘死帝道重興

彈詞註卷二

九

壺有祥彘穀共生於朝一暮大拱王懼問陟陟曰臣聞妖不勝德於是大修先王之政早朝晏罷問疾弔喪三日而祥彘枯死三年遠方重譯而至者七十六國桑穀二木名祥妖也穀音構樹名皮可為紙王義之傳云禿千兔之翰聚無一毫之耐窮萬穀之皮斂無半分之骨若從禾為穀音谷從米為穀音叨

黃河濫徙其民因循九代

太戊傳子仲丁仲丁傳弟外壬外壬傳弟河亶甲河亶甲傳子祖乙祖乙傳子祖辛祖辛傳沃甲沃甲傳祖辛子祖丁祖丁傳沃甲子南庚南庚傳祖丁子陽甲自仲丁至陽甲凡九代因亳有河決之害仲丁遷都於囂河亶甲徙都於相祖乙徙於耿復徙都於邢自仲丁以來諸弟於相祖乙徙於耿復徙都商道復興囂今開封府河陰縣相今彰德府安陽縣耿今平陽府河津縣邢今順德府邢臺縣

至盤庚還舊境改國稱殷

盤庚陽甲之弟時耿都河決王作書告論臣民復遷於亳從湯所都改商曰殷

天輔助後三朝武丁恭默

盤庚崩傳弟小辛商道復衰小辛傳弟小乙小乙傳
子武丁以甘盤為相恭默思道居喪三年不言商道
復興自小辛至
武丁凡三朝

夢賢臣調鼎鼎作楫為霖

武丁既免喪猶弗言羣臣咸諫王夢帝賈良弼使人
以形旁求於天下說為胥靡築於傅巖惟肖命以為
相曰若作和羹爾為鹽梅又曰若濟巨川用汝作舟
楫若歲大旱用汝作霖雨 傅巖在平陽府平陸縣

平陸人 傳說

舊講學師甘盤交修不怠

王命說曰子小子舊學於甘
盤又曰汝交修子罔子棄

敬其親豐禰廟彤日雉鳴

王祭湯廟及彤日有飛雉升鼎耳而雉祖已訓諸王
王內反諸已以思王道三祀鬻夷編髮重譯來朝者
六國 彤祭之明日又祭名呂東萊曰高宗祭成湯
而有飛雉之變蓋高宗恭默思道德與天合故於祭

彈詞註卷二

祀略有過厚飛雉隨而應之比雖高宗
近厚之過過於厚亦過也 彤音容

至武乙鬪天神雷霆殞命

武丁傳子祖庚祖庚傳弟祖甲祖甲傳子庚丁庚丁
傳子武乙王無道為木偶人謂之天神與之博令人
為行天神不勝乃膠辱之為革囊盛血仰而射
之命曰射天後出畋獵於河渭之間暴雷震死

兩三朝無德行國勢頽傾

武乙傳子太丁太丁
傳子帝乙商道益衰

末主紂害生靈飾非拒諫

紂帝乙子名受又名辛資辨敏捷才力過人言足飾
非智足拒諫大聚樂戲於沙邱為長夜之飲又剖孕
婦視其胎斯朝涉之腥視其髓荼毒生靈有炮烙之
法商祚至紂而終是為末主 沙邱臺在邢州平鄉

東北二 十里

縱奢淫寵妲己剖炙賢臣

紂伐有蘇氏獲其女妲己惟妲己言是用作奇技淫巧以悅之使師延作朝歌北鄙之音比里之舞靡靡之樂又為酒池肉林男女裸體相逐九侯進女於主女不喜淫王殺之醢九侯鄂侯爭之並脯鄂侯後比干強諫王怒曰吾聞聖人心有七竅遂剖比干觀其心 朝歌紂都今衛輝府淇縣

鉅橋粟鹿臺財適資敵國

紂造鹿臺為瓊室臺廣三里高千尺十年乃成厚賦稅以實鹿臺之財盈鉅橋之粟燎焚天下之財罷若萬民之力後周伐紂散財發粟 鉅橋倉名鹿臺臺名故址俱在淇縣

徒倒戈血漂杵衣寶焚身

周西伯伐紂紂師前徒倒戈反自攻其後血流漂杵紂走登鹿臺之上衣珠玉自焚而死

三十世六百年成湯世界

自湯至紂凡三十君共六百四十四年 以湯武功成故曰成湯

二老避三仁去麥秀歌聞

彈詞註卷二

上

初紂無道呂尚避紂東海伯夷避紂北海聞西伯善養老往歸之王庶兄微子去之諸父太師箕子佯狂為奴少師比干諫而死孔子曰殷有三仁焉後周封箕子於朝鮮箕子來朝過殷墟傷故都毀圮作麥秀之詞曰麥秀蘼蘼兮黍離離彼狡童兮不與我好兮殷民聞之莫不流涕 微子名啓箕子名胥尚微箕采邑名 呂尚姓姜號子牙名呂尚其苗裔也伯夸姓墨名允字公信諡曰夸叔其弟也名智字公達諡曰齊蘄音 尖諡法克定禍亂曰武

周武王尊太公興兵伐紂

武王名發初呂尚釣於渭水之陽文王遇之曰吾先君太公望子久矣故號曰太公望武王以尚為師謂之尚父聞紂暴虐滋甚乃備告諸侯興兵東伐古去幽邑於岐山之下始改國號曰周今鳳翔府西五十里是為岐周渭 陽在鳳翔府寶雞縣

攷其先姓姬氏上古賢人

初堯封棄於郟賜姓姬氏為周 邠今西安府武功縣

封后稷相唐虞教民耕種

棄封邠號曰后稷舜曰棄黎民阻飢汝后稷播時百穀
按易大傳曰神農氏作斲木為耜採木為耨以
教天下則耕種之利其來久矣書曰播時百穀詩稱
誕降嘉種貽我來牟則百穀之備自稷始也趙過曰
后稷始畝田則畝權是相則農時之節自稷始也
辰以成善后稷是相則農時之節自稷始也

篤公劉傳太王王季其勤

后稷三傳為公劉公劉九傳為古公亶父古公生季
歷書曰太王肇基王迹王季其勤王家 篤公劉周
詩篇 名

文王昌姜里囚演成周易

文王名昌季歷生昌初為西伯紂以崇侯虎之讒囚
文王於羑里文王曰吾惟明天人之道以順受之耳
因取庖義氏八卦重為六十四卦次序演之作象辭
垂世立教而筮吉凶焉 前編曰太史公本紀謂西
伯囚羑里益易之八卦為六十四卦其意謂伏羲止
有八卦也然大傳明言八卦成列象在其中矣因而

彈詞註卷二

重之爻在其中矣是庖義已垂為六十四卦矣按伏
義畫卦蓋有圖而無書有占而無文文王難姜里樂
天憂世於是演而為易移先天之體為後天之用翻
六十四卦變易之象而繫吉凶利否之辭其位則探
河圖生成之位為後天入用之位其辭則或取之
體或取之二象或取之二中或取之主爻或取之變
卦或取之成卦之義丁寧告戒以前民用聖人之憂
患後世於是為至羑里城故址在彰德府湯陰縣
追謚文王經
天緯地曰文

賜弓矢專征伐虞芮停爭

周臣散宜生閔天謀救文王乃求有莘氏美女及珍
寶良馬因殷嬖臣費仲獻紂紂悅曰此一物足釋西
伯矣乃釋之賜弓矢鉞鉞使其專征伐虞芮之君爭路
久而不決乃相與朝白入其境耕者讓畔行者讓路
大夫讓為卿二國之君相謂曰我等小人不可以履
君子之庭乃讓田而退 虞今平
陸縣芮今芮城縣俱屬平陽府

武王發十三年孟津大會

武王繼爲西伯於殷二十二年祀觀兵於孟津諸侯不期而會者八百國皆謂紂可伐矣武王凜示天命退守西土居二年紂惡不悛於武王十三年冬月諸侯共推伐商武王乃大會於孟津作泰誓三篇以誓師

孟津在河南府今縣名 武王名發

一戎衣陳牧野不用刀兵

武王陳兵牧野紂旅如林幾億萬人倒戈向後武王兵不血刃獨夫受誅所謂一戎衣而有天下也 牧野地名在衛 輝府城南

釋箕子封比干反商舊政

武王克商後命召公釋箕子囚命閔天封比干墓反商紂政由湯舊政 比干墓在衛輝府城北墓前有碣題殷比干墓 字乃宣聖手書

式商容儻飛廉弔問窮民

商容殷賢人紂所貶退武王式其閭命畢公表之飛廉助紂爲惡驅於海隅而儻之復命南宮适散財發

彈詞註卷二

七

粟以賑 資窮民

作旅葵郤珍奇蠻夷通道

王威德遠暢通道於九夸八蠻西旅底貢厥葵召公以非常貢物易啓玩好作書名旅葵訓王曰珍禽奇獸不育於國不實 遠物則遠人格

陳洪範訪朝鮮造請賢人

先是禹治水功成神龜負書出洛禹因別爲九疇箕子推行增益以成篇武王訪於箕子箕子陳洪範一篇箕子不欲臣周亡於朝鮮武王遂以封之 朝鮮今國名在遼東外徼

周公旦輔成王居東避位

武王崩子成王名誦年十三即位王諱閻周公名旦文王第四子以叔父負宸攝政管叔及羣弟流言曰廣八尺畫爲斧形今之屏風其遺像也 諡法安民曰成 立政

大雷電禾盡偃天發金滕

周公居東逾年王知罪在管蔡是年秋大熟未穫天大雷電以風禾盡偃大木斯拔邦人大恐王與大夫盡弁以啓金滕初武王有疾周公告於太王王季文王請以身代納冊金滕匱中至是啓之見公請代武王之事王執書以泣出郊迎公天乃雨反風禾盡起歲則大熟

滅殷奄宅土中修明禮樂

初武王封紂子武庚於殷使管叔鮮蔡叔度霍叔處監殷是為三監至是挾武庚以叛武王命周公東征殺武庚誅鮮囚度降處為庶人遂滅殷先是管蔡流言奄君薄姑謂武庚曰武王既死今王尚幼周公見疑此百世一時也請舉事於是武庚叛奄與淮奪俱叛王滅殷後東伐淮奪踐奄討其君誅之徙奄於洛邑有宅洛之志由是成王命周公營天下之中遷九鼎於洛都以前諸侯周公作周禮自朝廷邦國至祭祀燕享等禮無不具備朝諸侯於明堂樂名曰勺又曰武以象伐紂之武功書曰王來紹上帝自服於土中王氏曰洛天地之中風雨之所會陰陽之所和四方朝聘貢賦道里適均故謂之土

聘貢賦道里適均故謂之土
中洛邑今河南府洛陽縣

召公奭相康王棠樹巡行

成王崩子康王名釗即位太保召公奭初治西方甚得民和有司請召民曰不勞一身而勞百姓非吾先君文王志也乃巡行鄉邑聽斷於棠樹之下及卒人思其政不忍伐棠樹作甘棠之詩自洛以西召公主之今河南府陝州即周召分陝界有召伯城在宜陽甘棠驛即巡行聽斷之所蓋法温柔好樂曰康史略云召康公文王之少子名醜奭或其字也

周昭王狩漢濱膠舟溺水

康王崩子昭王名瑕即位時周道漸衰王南巡狩返濟漢濱以膠舟渡王中流船解王溺死漢水在漢陽府城北入江
昭 法儀容恭美曰昭

子穆王忘討罪八駿西巡

昭王溺死子穆王名滿即位忘討罪之師周行天下初得八駿馬命造父為御西巡車轍馬迹遍天下樂

而忘返 八駿一驂 駟三赤驥 四白兔 五駟
渠六黃駒 七黑驪 八山子 謚法布德執義曰穆

命呂侯作贖刑只因財賈

王巡遊無度財匱民窮乃命呂侯作祥刑之書名曰
呂刑作為誥命頒之天下大抵增墨劓之條以盡天
下之惡而減大辟之條以違犯死之罪既制五罰以
贖民罪以儆民財然哀矜惻
恤猶可想見三代忠厚遺意

征犬戎獲狼鹿荒服觀兵

王將征犬戎祭公謀父諫曰先王耀德不觀兵王不
聽征之獲四白狼四白鹿以歸自是荒服不至 祭
公字謀父犬戎即昆夸也黃帝
之後今長沙武陵蠻大半是

徐偃王朝諸侯彭城走死

初徐夸率九夸伐周西至河上王畏其偪乃分東方
諸侯命徐子主之徐子得朱弓赤矢自以為天瑞偃
稱偃王陸地而朝者三十六國時王西巡聞徐子偃
號乃歸命楚伐徐徐子愛民不忍鬪乃北走彭城百
姓隨之以萬數徐子將死曰吾賴於文德
而不明武備故至此 徐今鳳陽府泗州

彈詞註卷一

造父封祈招諫得止王心

蜚廉五世孫為造父以善御幸於穆王徐偃王作亂
造父為御歸周以救亂王以趙城封造父其族由此
為趙氏王欲肆意周行祭公謀父作祈招之詩以止
王心曰祈招之惜惜式昭德音思我王度式如王式
如金刑民之力而無醉飽之心王聞諫改過以是獲
沒於祗宮 謀父周卿也食邑於祭祈司馬之官招
其名也趙城縣名屬平陽府 祭
音蔡招音詔祗宮離宮名惜音烟

共懿孝道衰微詩人作刺

穆王崩傳子共王名繁扈共王傳子懿王名囂是時
王室既衰遷都槐里詩人作詩刺之懿王崩弟孝王
名辟方即位 槐里故城在西安府興平縣東南即
太邱城 謚法既過能改曰共繁音衣扈音戶謚法
溫柔賢善曰懿
慈惠愛親曰孝

惡來後善養馬非子封泰

惡來革之後有非子者居太邱好馬善養息之王
主馬於汧渭之間馬大蕃息乃封為附庸之君邑之
秦曰昔拍駟為舜主畜多息故有土錫姓曰羸今其
後亦為朕息馬其使復續羸氏祀號曰秦羸 惡來
蜚廉子非子泰始祖秦今鞏昌府秦州隸陝
西太邱即興平縣汧渭二水名 汧音牽

天雨雹江漢冰谷徵顯著

是時天大雨雹牛馬死江漢俱凍當羸秦始
封而災異之見若茲履霜之象已兆於此矣

至夸王朝禮壞下見群臣

孝王崩諸侯復立懿王太子變即位是為夸王夸王
不立於父而立於諸侯之手故加禮下堂以見之甄
禮既廢王室寢衰自是永為
例矣 謚法安心好靜曰夸

厲王胡行暴虐淮夸入寇

夸王崩子厲王名胡即位王為人暴虐無道淮夸
入寇王命虢仲征之不克 謚法殺戮無辜曰厲

得衛巫能弭謗國亂逃奔

彈詞註卷一

六

王暴虐國人謗王王怒得衛國巫人使監謗者以告
則殺之國人莫敢言道路以目王喜告召公曰吾能
弭謗矣召公曰是障之也塞下之口而遂上之過恐
為社稷憂不聽後三年國人叛襲王出奔於彘
今平陽府霍州漢為彘縣厲王
奔時築有彘城崩後有陵存焉

周召公相協和維持國政

王奔彘太子靖匿召公家國人圍之召公以其子代
太子太子得脫於難召公周公以太子尚幼相與協

和以同
心輔政

號共和十五載斷續朝廷

王居彘十五載不敢歸周召協和
以輔太子共理國事故號共和

宣王靖平淮夸勤於政事

厲王崩於彘子宣王靖即位時淮南夸叛命召虎率
師討平之疆理至於南海詩人作江漢六章美之又
自將以伐淮北徐夸詩人作常武六章美之周召輔
王修政法文武成康之遺海內翕然 謚法聖善周

開曰

任申伯用山甫周室中興

王任用申伯仲山甫以相輔佐早朝晏罷以致中興諸侯於是復宗周

伐玁狁至太原不勤遠略

玁狁內侵逼近京邑王命尹吉甫北伐之逐出太原而歸不復遠追詩人作六月六章美之太原今山西太原府太原縣有謂太原乃關中慶陽界古之原州今之鎮固屬平涼安定者非是 玁音顯狁音允吉甫瀘州人

後宮中姜王后脫珥規勸

王后姜氏賢而有德王嘗晏起后乃脫簪珥待罪於永巷曰妾不才至使君王失禮而晏朝以見君王之樂色而忘德也夫苟樂色必好奢好奢必窮樂窮樂者亂之所興也原亂之興從婢子起婢子生亂當服其辜敢請罪王曰寡人不德實自生過非夫人之罪也遂勤於政事卒成中興之名

彈詞註卷二

七

殺杜伯及左儒俱非其罪

朱弓矢興道左鬼報亡身

杜國之伯名恒為周大夫宣王妾女鳩欲通之杜伯不可女鳩訴之曰恒竊與妾交王信之因杜伯於焦其友左儒爭之王不許曰汝別君而異友也儒曰君道友逆則順君以誅友友道君逆則順友以違君王怒曰易而言則生不易而言則死儒曰士不枉義以從死不易言以求生臣能明君之過以正杜伯左儒罪九諫而王不聽王使薛甫與司工錡殺杜伯左儒以杜伯語告之祝曰始殺杜伯誰與王謀王曰司工錡也祝曰何不殺錡以謝之王乃殺錡使祝以謝杜伯司工錡為人而至於臣何罪之有王告皇何皇甫也與我謀而殺人吾所殺者皆為人而見奈何皇甫曰殺祝以兼謝焉又皆為人而至於祝亦我焉知奈何以為罪而殺臣也後三年遊於圃田從人滿野日中杜伯乘白馬素衣司工錡為左祝為右朱衣朱冠起於道左執朱弓朱矢射王中心折脊伏於弓矢而死

周幽王寵褒姒龍釵為祟

周宣王崩子幽王名宮涅即位初夏之衰也褒人之神化為二龍而言曰余褒之二君也夏后請其釵而藏之傳及殷周莫之發也厲王發而觀之釵流於庭化為元龜入於王府而童妾未既亂遭之既筭而孕當宣王時而生不夫而有懼而棄之時童謡曰壓孤其服實亡周國有夫婦鬻是器者王使執之逃於道見向所棄妖子取之亡奔於褒褒人有罪而入是女於王以自贖王吐置之女子出褒是為褒姒王嬖愛之釵音釐龍吐沫也齒音襯毀齒也笄音稽簪也女子十五而笄壓音掩桑弧音胡木弓其草名可結為服以盛矢崇音碎神禍也褒國名今漢中褒城縣謚法動靜亂常曰幽

幸驪山舉烽火戲弄邦君

周制為烽燧寇至則舉烽火諸侯悉舉兵來授褒姒不好笑王說之萬方故不笑王語驪石父曰汝有計能令褒姒笑賞爾千金石父乃進計幸驪山大舉烽火諸侯至而無寇褒姒乃大笑王為是數舉烽火其後不信諸侯不至驪山在西安府臨潼縣東北

彈詞註卷二

六

三川竭岐山崩聲先裂繒

初涇渭洛三川皆震伯陽父曰周將亡矣昔伊洛竭而夏亡河竭而商亡必崩國亡不過十年至其三川竭岐山崩褒姒好聞裂繒聲王發繒裂之以適其意至十一年幽王滅周乃東遷岐山今鳳翔府岐山縣伯陽父即李耳相傳母懷之八十一歲乃生即白首故號為老子字伯陽又曰聃為周柱下史見周衰乘青牛西出函關隱去葛稚川曰周子無世不出數易姓名出於黃帝時號廣成子周文王時號支邑先生武王時號郭叔子漢初號黃石公鬚眉皆白杖丹蓂履赤舄漢文時號河上公父音甫葛洪字稚川又名抱樸子句容人

用非才號石父結怨群臣

號石父為人佞諛好利王以為卿國人皆怨諸侯皆畔

申侯反召西夸犬戎兵動

褒姒生子伯服如與號石父比譖廢申后及太子宜臼立褒姒為后伯服為太子宜臼出奔申王伐申欲

殺宜曰申侯召西夸犬戎之兵
伐王 申姜姓國今南陽府

弑幽王擄褒姒國勢分崩

時王舉烽火徵兵兵莫至犬戎遂弑王驪山
下擄褒姒並殺鄭桓公友盡收寶賂而去

秦襄公鄭武公驅戎救駕

犬戎之亂秦襄公力戰却戎衛武公和晉文侯仇亦
將兵救周黜伯服鄭世子掘突收父桓公散兵從諸
侯迎太子於由
掘突是為武公

立平王遷洛邑戊許和申

平王名宜曰幽王之子鄭武公等迎立之王以豐鎬
近戎乃東遷洛邑以申侯有功於已為遷畿內之民
戊申戊許以防戎 朱子曰申侯與犬戎攻宗周而
弑幽王則申侯者王法不赦之賊平王之讐也
今以立已為有德不知弑父為可怨至使復讐討罪
之師反為報施酬恩之舉勞天子之民遠為諸侯成
守忘親逆理甚矣許今開封府
許州 謚法執事有制曰平

彈詔註卷二

九

併西戎收餘民秦封始大

初秦襄公以兵送平王於洛王封為諸侯賜之岐以
西之地曰戎無道侵奪我岐豐之地秦能攻逐即有
其地與誓封爵之襄公於是始豐之與東諸侯通使
聘享之禮至文公十六年以兵伐戎敗走於是文
公收周餘民以有西岐之地邠岐豐鎬盡為秦有而
秦始大 豐在西安府鄠縣鎬今長安縣邠今邠州

作廊時祠上帝僭用犧牲

秦文公夢黃蛇自天下屬地其口止於廊衍問史敦
敦曰此上帝之徵君其祀之於是作廊時用三牲郊
祭白帝秦僭自此始 廊今延安府廊
州時封土而祭也 廊音敷時音莖

至桓莊無威令下同列國

平王崩孫林立是為桓王鄭伯不朝王伐鄭戰於繡
葛王卒大敗祝聃射王中肩劉道源曰桓王伐鄭兵
敗王傷天子威令下同列國桓王崩子佗立是為莊
王桓莊之時子弑父臣弑君者踵相接也而威令不
行王不能問東周之衰已決於此 繡葛地名在鄭
州祝聃鄭大夫 謚法克敬勸民曰桓武而不遂曰

齊桓公晉重耳五霸稱尊

齊襄公立無常公子小白奔莒及無知弒襄公齊雍廩殺無知小白乃自莒入齊是為桓公以管仲為相滅譚滅遂伐魯侵蔡伐楚盟於召陵復大會諸侯於葵邱推為盟主者三十五年晉獻公重耳以驪姬之譖奔蒲公伐蒲重耳奔翟及楚後秦穆公召重耳帥師納於晉而立之是為文公伐衛伐曹執曹伯敗楚執衛侯復敗秦師於穀霸諸侯主盟會者九年故稱五霸必以齊桓開封府鄆城縣東葵邱在青州莊秦穆宋襄召陵在開封府鄆城縣東葵邱在青州府臨淄縣西蒲屬平陽府蒲州翟今延安府中部縣殺在河南府陝州

釐惠襄五十年人知管仲

莊王崩傳子釐王名胡齊釐王傳子惠王名闔惠王傳子襄王名鄭莊王時齊無知弒襄公管仲奉公子糾奔魯及齊人殺無知小白立取子糾於魯殺之鮑叔牙之薦請仲於魯魯束縛以子齊仲至齊桓公

彈詞註卷一

子

用以為相稱曰仲父國事皆令問仲父管仲得以盡其才後一匡九合不以兵車成霸功者仲之力也仲相於莊王丙申十二年春卒於襄王丙子七年冬共五十年釐音僖謚法有罰而還曰釐柔質慈民曰惠辟地有德曰襄管仲名夸吾字敬仲類人

作內政寄軍令束矢鉤金

桓公問仲曰寡人欲修政以千時於天下其可乎管子曰作內政而寄軍令為高子之里為國子之里為公里三分齊國以為三軍制五家為軌軌為之長十軌為里置有司四里為連連為之長十里為鄉鄉有良人以為軍令是故五家為軌五人為伍軌長率之十軌為里故五十人為小戎里為連連為之長十里為連故二百人為卒連長率之十連為鄉故二千人為旅鄉良人率之五鄉一帥故萬人為一軍五鄉之帥率之故有中軍之鼓有高子之鼓有國子之鼓春以蒐振旅秋以彌治兵是故卒伍政定於里軍旅政定於郊卒伍之入與人相保家與家相愛少相居長相遊死喪相恤居處相樂故夜戰其聲相聞晝戰其目相識歡欣足以相死以守則固以戰則勝可以橫行天下矣公曰卒伍定矣吾欲從事於諸侯其可乎

管子曰未可若軍令則吾既寄諸內政矣夫齊國寡
甲兵吾欲輕重罪而移之於甲兵重罪贖以犀甲一
戟輕罪贖以贛盾一戟小罪適以金分宥開罪索訟
者三禁而不可上下坐成以束矢美金以鑄劍戟試
諸狗馬惡金以鑄鉏耨斧鉞試諸壤上高子國于
皆齊上卿內政國政也寄託也居則爲軌出則爲伍
所爲寄軍令也重罪死刑也犀犀皮也可用爲甲罪
車戟也輕罪剗刑之屬贛盾經革有文如贛也小罪
不入於五刑者以金贖有分兩之差今之罰金是也
書曰金作贖刑罰之疑者也周禮以兩造禁
民訟入束矢於朝然後聽之註云訟謂以財貨相告者
三日乃致於朝然後聽之註云訟謂以財貨相告者
造至也使訟者兩至既兩至使入束矢乃治之不入
束矢則是自服不直者也必入矢者取其直也管子
書註云十二矢爲束矢周禮註謂古者一弓百矢束
齋券書既兩券書使入鈞金又三日乃治之重刑也
不券書不入金則是亦自服不直者也必入金者取
其堅也鈞
十劬曰鈞

蛇從龍佐亡人趙衰狐偃

單詞註卷二

五

初晉重耳出奔嘗餒於曹介子推割股以食之及歸
賞從亡者狐偃趙衰顛頰魏犢而不及子推子推之
從者懸書宮門曰有龍矯頰頰項失其所五蛇從之周
流天下龍飢乏食一蛇割股龍返於洞安其壤土四
蛇入穴皆有處所一蛇無穴號於中野公曰寡人之
過也使人求之不得隱緜山中焚其山子推死焉先
是秦穆公使公子繫甲重耳於翟曰喪不可久時不
可失舅犯曰亡人無以爲寶仁親以爲寶介子推
姓王名光臨晉人狐偃狐突之子
趙衰字子餘臨晉人魏犢號武子

狩河陽盟踐土顛倒君臣

晉文公作王宮於踐土獻楚俘於王王策命文公爲
侯伯與諸侯盟於踐土諸侯朝於王所後晉召王以
諸侯見會於河陽春秋曰以臣召君不可以訓故書
曰天王狩於河陽河陽今懷慶府孟縣踐土地名
在開封府
榮澤縣

頃匡定禮樂崩憑誰整頓

襄王崩傅子頃王名壬臣頃王傅子匡王名班匡王
傳弟定王名瑜是時禮樂征伐自諸侯出天子寄空

名於天下而已 蓋法甄心動懼曰 頃貞心大度曰匡安民法古曰定

楚莊王與士馬問鼎欺心

楚本子爵自夸王之世已僭稱王及厲王暴虐復去王號至莊王旅始伯伐陸渾之戎觀兵周郊王使王孫滿勞之莊王問鼎之大小輕重滿曰在德不在鼎周德雖衰天命未改鼎之輕重未可問也莊王慚而退陸渾之戎即秦晉遷之伊洛者

簡王後至靈王時生孔聖

定王崩傳子簡王名夸簡王傳子靈王名泄心庚戌二十一年冬十一月夏正八月二十七日孔子生其先宋人至孔父嘉五世親盡別為公族故以孔為氏六世祖孔父嘉之子奔魯遂為魯人父叔梁紇無子求婚於顏氏顏氏以女徵在妻之禱於尼邱生孔子因名丘字仲尼魯謚尼父漢道謚宣尼父後周追封鄒國公唐追封文宣王宋加至聖文宣王元加大成至聖文宣王明嘉靖中改文宣王稱為先師易塑像為木主世封其後為衍聖公擇其後之賢者世知曲阜縣 謚法平易不訾曰簡亂而不損曰靈

彈詞註卷二

三

祖堯舜憲文武撐柱斯文

孔子序書記禮刪詩正樂晚而喜易序易象繫象說卦文言以詩書禮樂教弟子蓋三千焉身通六藝者七十二人孔子曰文王既沒文不在茲乎天之未喪斯文也匡人其如子何中庸謂仲尼祖述堯舜憲章

鳳兮歌喪狗讖轍環不遇

孔子之楚楚狂歌曰鳳兮鳳兮何德之衰適鄭鄭人曰東門有人其頽似堯其頽類臯陶其肩頽子產其腰以下不及禹者三寸累累然若喪家之狗轍環所至幾遍天下卒偃蹇於七十二君之庭道大難容尼山終老 楚狂 名陸通字接輿

作春秋誅亂賊絕筆書麟

魯人西狩叔孫之車士曰子鉏商獲獸傷其左足載以歸孔子觀之曰麟也胡為乎來哉反袂拭面而涕曰吾道窮矣於是因魯史作春秋以尊天王以誅亂臣賊子自隱至哀十二公自平至敬十二王凡二百

四十二年絕筆於獲麟至敬王壬戌
四十一年四月孔子卒年七十三

景悼敬兩三朝家翻國亂

靈王傳子景王名貴景王無適子傳次子悼王名猛
初景王太子聖早卒少子朝有寵景王欲立之未果
王崩單子劉子立猛為王朝作亂劉子單子以王猛
如皇晉子帥師納入王城猛尋卒諸大夫奉王猛同
母弟丐為王是為敬王
由義而齊曰景善合法典曰敬

元貞定哀思考弒立紛紜

敬王傳子元王名仁元王傳子貞定王名介貞定王
傳子去疾是為哀王立三月弟叔弒之而自立是為
思王立五月少弟嵬殺之而自立是為考王
法行義說民曰元清白守節曰貞紀行不爽曰定

勞攘攘數百年中原瓦裂

是和非長共短史記評論

漢武帝時太史司馬談之子遷為太史令續父談書
作史記起黃帝迄漢武獲麟之歲撰十二紀以序帝

彈詞註卷二

三

王十年表以貫歲月八書以紀政事三十世家以敘
公侯七十列傳以志士庶上下三千餘歲凡百三十
篇司馬遷字子長絳州龍門人

秦穆公宋襄公假行仁義

秦穆公名任好三置晉君一救荆禍迫伐姜戎益國
十二開地千里遂伯西戎宋襄公名茲父始而執滕
公使邾文公用鄆子於次睢之社一會而虐一君遂
成霸業卒之孟之會為楚所執泓之戰楚傷其股國
人咎之襄公曰君子不重傷不禽二毛古之為君也
不以阻隘寡人雖亡國之餘不鼓不成列世笑以為
宋襄之仁

吳夫差越勾踐改號稱尊

武王封泰伯之後於吳夏少康封子無餘於會稽以
奉禹祀號曰越夫差闔閭之子僂號稱吳王勾踐允
常之子僂號稱越王初闔閭伐越敗於檣李闔閭傷
將指卒夫差伐越敗越於夫椒勾踐自殺越遂滅吳
踐返國二十餘年伐吳吳於夫椒李城產嘉李因名
檣李今嘉興府城西南地有檣李城產嘉李因名

大椒在常州府無錫
縣太湖濱 構音醉

魯曹沫七登壇收還侵地

初齊桓公伐魯魯敗莊公獻遂邑以平桓公許與魯盟將盟曹沫以匕首劫桓公於壇上曰反魯之侵地桓公許之沫去匕首北面就臣位桓公悔欲無與魯地而殺沫管仲曰棄信於諸侯不可遂還魯侵地

趙武子孤得立杵臼程嬰

晉靈公為趙穿所弑趙盾亡不越境反不討賊太史書曰趙盾弑其君盾死子朔嗣屠岸賈始有趙氏於下宮殺朔朔妻晉成公姊莊姬有遺腹生男賈聞索之朝客公孫杵臼謂朔友程嬰曰立孤與死孰難嬰曰死易立孤難耳杵臼曰子強為其難者吾為其易者乃取他兒匿山中嬰出謬曰子我千金吾孤趙氏處與匿山中名曰武後景公疾下大業之後不遂者為崇韓厥曰大業之後在晉絕祀者其趙氏乎公問趙後厥以實告乃召趙孤兒匿之宮中諸將入問疾公因厥眾以臨諸將而見武諸將歸罪於賈且請立

彈詞註卷一

雷

趙後遂與嬰武攻賈威之復與武田邑如故嬰曰我將下報趙宣孟與杵臼武泣嬰曰彼以我為能成事故先我死今我不報是以我事為不成遂自殺程嬰杵臼俱太原人趙盾字孟謚宣子

季札來聘上邳請觀周樂

吳子壽夢四子長諸樊次餘祭次餘昧次季札壽夢見札賢欲立之札辭乃立諸樊諸樊卒必欲致國於季札卒不受棄其室而立諸樊之封之延陵號延陵季子使聘於魯請觀周樂魯人為季札設工為之歌周南召南曰美哉始基之矣又為之歌衛歌王歌鄭齊幽秦魏以至歌唐歌陳札皆如其歌以美之自鄧以下無譏焉更為之歌小雅大雅以至歌頌曰至矣哉五聲和八風平節有度守有序盛德之所同也見舞象箭南籥者曰美哉猶有憾見舞大武者德見舞大夏者曰非禹孰能修之見舞韶箴者曰德至矣哉大矣如天之無不禱也如地之無不載也雖請矣其出聘也通嗣君也遂歷聘於齊鄭衛晉代之樂黃帝雲門堯大章舜韶禹大夏湯大濩武大武延陵今常州府季札泰伯十九世孫

國僑相聽國政與濟途人

公孫僑聽鄭國之政以乘與濟人於溱洧從政二年
輿人誦之曰取我衣冠而褚之取我田疇而伍之孰
殺子產吾其與之及三年又誦之曰我有子弟子產
誨之我有田疇子產殖之子產而死誰其嗣之及卒
孔子曰古之遺愛也子產姓公孫名僑字子產以父
子國之字為氏故曰國僑褚藏也

田穰苴掌兵權立誅莊賈

齊景公時師敗於燕晉晏嬰薦司馬穰苴為將軍穰
苴曰臣素卑賤願得君之寵臣以監軍門公使莊賈往
至與賈約日中會於軍門賈先馳至軍門公使賈始
日則忘其家臨軍約束則忘其親援抱鼓之急則忘
其身何相送乎召軍正問曰軍法後期而至云何曰
當斬賈懼使人馳報景公求救未及返而斬賈久之
公遣使持節救賈馳入軍中苴曰軍中不可斬乃斬其僕
馳云何軍正曰當斬苴曰君之使不可斬乃斬其僕
車之左駟馬之左騶以徇三軍始閱士卒身自撫循
勒兵大敗晉師穰苴田完之後晏嬰薦於景公拜
為將軍燕晉聞之皆解去後齊威王用兵大倣穰苴
之法諸侯來朝王乃追論古者司馬兵法
而附穰苴於其中因號曰司馬穰苴兵法

彈詞註卷二

孫武子教戰陣令斬宮嬪

孫武子齊人以兵法見於吳王闔閭王曰勒兵可試
以婦人乎曰可於是出宮中美女孫子分為二隊以
王之寵姬二人名為隊長皆令持戟令之曰汝知而
心與左右手背乎婦人曰知之孫子曰前則視心左
視左手右視右手後則視背婦人曰諾約束既布乃
設鉄鉞即三令五申而鼓之復三令大笑孫子曰約
束不明申令不熟將之罪也右婦人大笑申而鼓之左
婦人復大笑孫子曰約束已明申令已熟而不鼓如法
者吏士之罪也乃欲斬左右隊長吳王從臺上見斬
愛姬趣令曰寡人非此二姬食不甘味願勿斬也孫
子曰將為軍君命有誓不遂斬隊長左右長二人以徇
其次為隊長於是復鼓之婦人左右前後跪起皆中
規矩繩墨孫子報王曰兵既整齊雖赴水火可
也王遂以為將西破強楚北威齊晉顯名諸侯

伍子胥入郢官鞭屍報怨

楚平王使伍奢為世子建師費無極譖之王執奢使
召其子尚員尚謂員曰我能死爾能報爾勉之尚歸

王殺奢及尚員奔吳佐闔閭伐楚楚令尹子常禦之
敗奔鄭吳師五戰及郢楚昭王奔隨吳人入郢以班
處於王宮員掘平王屍鞭之郢今安陸府一云郢
楚之舊都在荊州府城東北三里伍員守子胥監
人利

越范蠡破姑蘇棄職辭君

初越敗於吳用范蠡計行成於吳及返國蠡與勾踐
謀賂吳太宰伯嚭譖殺伍員遂伐吳吳兵敗棲於姑
蘇亦使人行成於越不許夫差自殺蠡以勾踐可與
共患難不可與同安樂乘輕舟數千五百湖浮海出齊變
姓名自號鳴雀子皮父子治產數千萬齊人聞其賢
以為相蠡曰久受尊名不祥歸相印散其財間行止
於陶又謂陶朱公 姑蘇山名在蘇州府陶
今兗州府定陶縣 范蠡字少伯南陽人

韓趙魏求諸侯六卿分晉

初晉有智氏韓氏魏氏趙氏范氏中行氏號為六卿
六卿強晉侯不能制貞定王十一年智伯與韓趙魏
共滅范中行氏而分其地十六年智伯帥韓魏之甲
以攻趙趙襄子走晉陽三家圍而灌之襄子使張孟
談潛出見魏桓子韓康子乃陰與約決水灌智伯軍
又殺智伯而三分其地後趙襄子卒立兄伯魯之孫
浣是為獻子獻子之子籍與魏桓子之子斯韓康子
之孫虔於威烈王時俱請為諸侯王許之虔為景侯
籍為烈侯斯為文侯
晉陽今太原縣

彈詞註卷二

威烈王寵反叛自壞彝倫

考王崩傳子威烈王名午二十三年初命晉大夫魏
斯趙籍韓虔為諸侯通鑑托始於此 司馬公曰晉
大夫暴蔑其君剖分其地天子既不能討又寵秩之
是三晉之列於諸侯非三晉之壞禮乃天子之自壞
之也 謚法強毅執正
曰威秉德尊業曰烈

安烈顯守宗桃綿綿一脈

威烈王崩傳子安王名驕安王傳子烈王名喜烈王
傳弟顯王名扁三王之時列國憑陵王室衰弱諸侯
不知有天子矣 謚法好和不爭
曰安烈謚見前行中見外曰顯

慎靚王擁虛器奄奄殘雲

顯王崩傳子慎觀王名定後楚人謀圖周東周公謂楚令尹昭子曰東周地不過百里裂其地不足肥國得其衆不足勁兵然而猶有欲攻之者見祭器在焉故也今子欲殘天下之共主居三代之傳器吾恐器南則兵至矣

收拾在報王朝窮居僻地

慎觀王崩子延立是為報王自顯王二年韓趙分周地為二以兩周公治之王寄焉而已慎觀以上皆居成周報王微弱遷王城依西周武公謚法喪國心恤曰報

就中間千百樣變化縱橫

二百載入春秋千戈硬併

入春秋者凡二百四十二年絃君三十六亡國五十二諸侯奔走不得保其社稷者不可勝數

九州中七暴國氣勢相吞

秦韓燕趙魏齊楚為戰國七雄

鄒子與孟軻氏尊王賤霸

孟子名軻字子輿鄒人受業孔子之孫子思魏惠王卑辭厚禮以招賢者孟子至梁言仁義王以為迂遠不能用去魏適齊見齊宣王言仁政陳王道恥道桓文之事齊以為客卿後致為臣而去

距楊墨闢邪說不合終身

時方從衡處士楊墨之言盈天下孟子乃述堯舜三及卒門人記其言為孟子七篇楊子名朱墨子名翟為宋大夫著書十五卷七十一篇以貴儉兼愛尊賢右鬼尚同為說

齊孫臏魏龐涓爭強鬪智

初孫臏與龐涓俱學兵法及涓事魏為將軍自以能不及臏乃召之至則斷其足而黜之齊使者至魏臏陰見之使者竊載以歸田忌進之威王會魏伐趙威王救趙使忌為將而臏為師居輜車中坐為計謀忌欲引兵之趙臏曰不若疾走大梁彼必釋趙自救是我一舉解趙之圍而收弊於魏也忌從之遂敗魏師

後涓伐韓韓請救於齊齊使忌與贖救韓直走魏都涓歸禦齊師贖使齊軍入魏地日滅竈誘涓涓果喜曰吾故知齊軍法入吾地三日士卒亡者過半矣乃倍道逐之贖度其暮當至馬陵日暮而發涓死此樹下令萬弩夾道而伏期日暮見火舉而俱發涓果夜至見白書以火燭之讀未畢萬弩俱發涓自刎曰遂成豎子之名大梁今開封府馬陵道在大名府城東南 陋音狹

趙廉頗秦白起賭勝誇能

廉頗仕趙攻齊拔晉陽伐魏取安陽封信平君白起仕秦攻趙取狼城攻楚拔鄢郢燒彝陵楚徙都陳封武安君後秦使王齕因伐黨拔趙軍黨敗頗走趙趙出趙王怒數讓之應侯使人反間曰秦獨畏馬服君之子括為將耳廉頗易與趙遂以趙括代頗將秦聞括為將乃陰以武安君為上將而藍為裨將令軍士有敢泄者斬括至擊秦武安君佯敗走括乘勝追之造秦壁堅拒不得入秦奇兵絕其後趙軍食絕四十六日括自出搏戰秦射殺之卒四十萬人皆降武安君盡坑之 范雎封應侯趙奢封馬服君鄒今宜城縣屬襄陽府彝陵州名屬荊州府陳州名屬開封府

彈詞註卷二

魯連子射聊城解紛排難

燕將攻齊聊城拔之或譖之燕孝王燕將保聊城不敢歸齊田單攻之歲餘不下魯仲連乃為書約之不以射城中曰為公計者不歸燕則歸齊今獨守孤城齊兵日益而燕救不至將何為乎燕將見書泣三日遂自殺聊城亂單克之歸言仲連於齊王欲爵之仲連逃之海上曰吾與富貴而詘於人寧貧賤而輕世肆志焉初秦攻趙曰吾說趙欲共尊秦為帝以卻其必移兵先擊攻趙之新垣衍說趙欲共尊秦為帝以卻其兵仲連聞之見衍曰秦萬乘之國梁亦萬乘之國秦帝則將行天子之禮以號令天下變易諸侯之大臣奪其所憎乃與其先所愛梁王安得晏然而已乎行再拜曰吾今乃知先生天下士也後信陵君大破秦軍趙君弟平原君勝欲封仲連不受乃以千金為壽連笑曰所貴為天下士者為人排患難解紛亂而無取也遂辭去逃於海上著有魯仲連子書十四篇 聊城縣名屬東昌府鄆今河南彰德府臨漳縣

蘭相如灑池會重趙輕秦

蘭相如灑池會重趙輕秦

秦王告趙王願為好會於河外澠池廉頗藺相如曰
王不行示趙弱也趙王乃行相如從頗送至境與王
訣曰王許之過會飲酒酣秦王請趙王鼓瑟趙王以絕
秦望王許之及會飲酒酣秦王不肯相如曰五步之內臣
請得以頸血濺大王矣左右欲刃相如相如張目叱
之左右皆靡秦王為一擊在罷酒秦終不能有加於
趙王歸以相如為上卿 澠池今縣屬河南府在盛
音吝澠音免在音阜澠音薦 蘭

施戰策冠七雄田單樂毅

齊王伐燕臨淄之殺燕王曾國人立太子平為燕昭
王日夜撫循其人悉起兵伐齊以樂毅為上將軍齊
湣王戰於濟西大敗湣王走莒樂毅入臨淄燕封毅
為昌國君乘勝長驅齊城望風而潰殺禁侵虐禮逸
民寬賦斂除暴令齊民喜悅六月有間者惟毅一人
城戰國以來能行仁義之師以伐有罪者惟毅欲
而已是時惟莒即墨二邑未下楚使淖齒救齊齒欲
與燕分齊地遂殺湣王於鼓里王孫賈攻齒殺之立
湣王子法章為齊王保莒以拒燕即墨人曰田單多
智習兵立以為將毅圍二邑三年會燕昭王薨惠王

彈詞註卷二

完

立惠王為太子時不快於毅單乃縱反間曰樂毅與
燕新王有隙欲連兵王齊故且緩攻即墨齊人惟恐
他將來即墨殘矣惠王乃使騎劫代將毅遂奔趙單
知毅去乃收城中得牛千餘為絳繒衣畫以五彩龍
文束兵刃於其角灌脂束葦於其尾鑿城數十穴觸
縱牛燒葦端壯士五千人隨之牛熱怒奔燕軍所觸
盡死傷城中鼓譟從之燕軍大敗齊人殺騎劫七十
餘城皆復乃迎襄王於莒入臨淄以單為相封安平
君 莒今屬青州府昌國府臨淄今曹州梁邱故城在淄川
東北即墨今縣屬萊州府臨淄今縣屬青州府安平
今縣屬真定府 樂毅靈壽人樂
羊之後奔趙封望諸君湣音敏

掉舌尖說六國張儀蘇秦

洛陽人蘇秦說秦王以兼天下之術不用乃往說燕
文公曰燕之所以不被兵者以趙蔽其南也王與趙
從親則燕無患矣文公從之資秦車馬以說趙肅侯
曰山東之國莫強於趙然秦不敢伐趙者畏韓魏之
議其後也為大王計莫若出一韓魏齊楚燕趙為從親
以擯秦秦攻一國五計莫若各出銳師以撓秦則秦必不
敢出函谷以害山東矣肅侯悅使約於諸侯秦乃說
韓宣惠王魏惠王齊宣王楚威王俱許之於是秦

養劍客四豪門雞鳴犬盜

為從約長併相六國初魏人張儀與蘇秦俱事鬼谷秦恐秦伐趙而敗從約乃召儀辱之以激怒儀儀念諸侯獨秦能苦趙遂入秦秦陰遣其舍人齎金幣資儀儀得見秦王悅以為客卿舍人辭去曰蘇君憂秦伐趙敗從以為非君莫能得秦柄故激怒君使臣陰奉給君資盡蘇君之計儀曰為吾謝蘇君蘇君之時儀何敢言後秦去趙使燕又自燕奔齊秦為齊大夫所殺儀乃說魏襄王倍從約請成於秦秦相儀格明矣今王不事秦秦劫韓驅梁而攻楚楚危矣大王誠聽臣請令秦楚長為弟兄之國楚許之儀遂說韓說齊俱從之復西說趙王曰大王率天下擯秦秦不敢出函谷者十五年今楚與秦為昆弟韓梁稱藩齊獻魚鹽之地北斷趙之右莫如與秦約為兄弟趙王許之復北說燕王請獻常山之尾五城秦封儀為武信君張儀歸報未至咸陽秦君卒諸侯復合從常山在真定府曲陽縣鬼谷姓王名詡居清溪之鬼谷年數百歲秦儀嘗問道三年辭去鬼谷曰二子輕松喬之永壽貴一旦之浮榮惜哉

彈詞註卷二

三

齊田文襲父嬰封於薛號孟嘗君趙惠文王弟勝封平原君楚黃歇為春申君魏安釐王異母弟公子無忌封信陵君俱好招致諸侯游士及任俠姦人食客嘗數千人時謂四豪秦昭王聞文賢使請於齊以為相或謂秦王曰文相秦必先齊而後秦秦其危哉秦王囚文欲殺之文使人求解於王之幸姬姬欲得秦狐白裘而文先已獻於秦王矣客有善為狗盜者盜裘以獻姬言於王而遣之王後悔使追之文至關關法雞鳴乃出客時尚早追者將至客有善為雞鳴者野雞皆應之文乃得脫歸林奇石曰荆軻劍客之最下者也孟嘗以劍使重齊平原以劍使重趙春申以劍使重楚信陵以劍使重魏之四君者皆以劍術為秦敵而支其國於垂涎暴虎之吻王安石曰孟嘗君特雞鳴狗盜之雄耳豈足以言得士綱目書齊號田文為孟嘗君提要以號作封正義曰平原春申信陵並皆號也孟嘗是謚

破秦關三戰國蟻聚蜂屯

孟嘗君免相於秦歸齊而怨之與韓魏共攻秦敗秦軍兵入函谷關秦王懼使公子池割河東三城以和乃退三國

侯嬴頭晉鄙椎何其猛烈

魏隱士侯嬴年七十為李門監者信陵君置酒大會
賓客坐定信陵從車騎虛左自迎侯生侯生至引坐
上也賓客皆驚及秦圍趙趙平原君夫人信陵君姊
也使者冠蓋相屬於魏讓魏救不至魏使晉鄙救趙
次於鄴畏秦勿戰信陵君乃屬賓客欲赴闕以死於
趙謀之侯嬴曰吾聞晉鄙兵符在王卧內而如姬
最幸力能竊之昔如姬父鄴人符殺公子使客斬其
讐頭如姬欲為公子死無所辭誠一開口則得虎符
奪鄴兵北救趙西却秦此五霸之功也信陵君如其
言如姬果盜兵符與信陵君侯嬴曰將在外君命有
所不受公子即合符可與鄙不能請數公子行日以
危矣臣客屠者朱亥可與俱此人力士晉鄙聽大善
不聽可使擊之臣宜從老不能請數公子行日以
晉鄙軍之日北鄉自到以送公子信陵君請亥亥笑
曰臣乃市井鼓刀屠者而公子親數存之今公子有
急此臣効命之秋也遂與公子俱至鄴鄙合符果疑
欲勿聽亥袖四十觔鐵椎殺鄴信陵君遂將鄙兵
進破秦軍於邯鄲下初公子至鄴之日嬴果北鄉自
到邯鄲縣名屬廣平府大梁城東門曰奪門

彈詞註卷一

三

荆軻匕漸離筑一樣酸辛

燕太子丹嘗質於趙與秦王善及秦王即位丹質於
秦秦王不禮之丹怒亡歸欲報之聞衛人荆軻賢早
禮請見使劫秦王反諸侯侵地不可則刺殺之軻曰
行而無信秦未可親時秦王購將軍頭金千觔色萬家奈何于期
見于期曰秦王購將軍頭金千觔色萬家奈何于期
流涕曰計將安出軻曰願得將軍首獻秦王秦王必
喜而見臣臣左手把其袖右手搵其胸則將軍之雙
復而燕之愧除矣于期遂自刎匕函盛其首與燕督
亢地圖并以所預求天下之利匕首遺軻入秦至咸
陽見王秦圖以進圖窮而匕首見把遺軻入秦至咸
驚起袖絕軻逐之環柱而走秦法羣臣侍殿上者不
得操尺寸兵左右以手共搏之且曰王負劍王遂拔
以擊軻斷其左股軻引匕首擿王不中罵曰事所以
不成者欲生劫之必得約契以報太子也遂鋸殺軻
初軻將適秦太子賓客皆白衣冠送之至易水上軻
容高漸離擊筑軻和而歌為變徵聲士皆垂涕歌曰
風蕭蕭兮易水寒壯士一去兮不復還於是白虹貫
日復為羽聲慷慨士皆瞋目髮上衝冠軻死王盡逐
擊軻聞名於王王召見惜而赦之乃矐其目稍近之

新離乃以鉛置筑中復進得近舉筑撲王不中遂殺之正義曰左手搯其胸秦王曰今日之事從子計耳乞聽琴而死召姬人鼓琴琴聲曰羅縠單衣可裂而絕八尺屏風可超而越燕盧之劍可負而拔王於是奮袖超屏風而走之天府深州燕之腴地也易水在保定府安州宋子縣名今屬鉅鹿說苑曰七首尺八短劍也其頭類匕故三分兩之一荆軻字次非洪人搯音鎮亢音剛植音擲筑音竹似瑟而小又似箏十二絃以竹擊之不鼓故名曰筑矐海各反以馬屎燻目令失明

八百年周社稷東西滅裂

周自武王至赧王共八百六十七年始都鎬為西周繼都洛為東周後又都洛之成周為東周而以洛之西城為

至赧王獻國邑併入西秦

秦伐韓趙赧王怒與諸侯約從欲伐秦秦使將軍繆攻西周赧王入秦頓首受罪盡獻其邑三十六口三萬秦受其獻而歸王於周王尋崩

彈詞注卷二

三

細思量夏商周八十四主

能幾箇崇仁義有道仁君

開基主濟蒼生知甘識苦

守成君居富貴不會溫存

禁不止令不行諸侯放肆

恩不流政不節百姓生嗔

一朝滅一朝興魚龍變化

一邊扶一邊倒累卵難撐

乾打鬧占排場戲棚傀儡

轉頭間消滅却火上冰稜

到頭止剩中原土

禾黍離離一望平

閱盡殘篇斷簡細評千古英雄功名富貴笑談中回首
一場春夢 昨日香車寶馬今朝禾黍秋風誰強誰弱
總成空傀儡棚中搬弄 西江月

冰弦歇指談鋒鈍

明日重來細講論

廿一史彈詞註卷之二

彈詞註卷二

三



冰弦歇指談鋒鈍

明日重來細講論

冰弦歇指談鋒鈍

明日重來細講論

冰弦歇指談鋒鈍

明日重來細講論

冰弦歇指談鋒鈍

明日重來細講論

冰弦歇指談鋒鈍

明日重來細講論

